


CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
APR 5 1941

7667/4808 (2)


| CM        | 0        | 1        | 2         | 3         | 4         | 5        | 6        | 7         | 8        | 9        | 10      | 11        | 12         | 13 | 14 | 15 | 16 | 17 |
|-----------|----------|----------|-----------|-----------|-----------|----------|----------|-----------|----------|----------|---------|-----------|------------|----|----|----|----|----|
| Lab D50.2 | 95/0/2   | 81/0/0   | 66/0/0    | 51/0/1    | 35/0/0    | 20/0/0   | 29/19/54 | 55/-39/33 | 40/9/-43 | 42/57/29 | 82/4/79 | 51/50/-13 | 50/-28/-29 |    |    |    |    |    |
|           | 38/14/16 | 66/16/18 | 50/-5/-22 | 43/-14/21 | 55/-9/-25 | 71/-32/0 | 62/34/60 |           |          |          |         |           |            |    |    |    |    |    |

Harvard College Library Imaging Services <http://imaging.harvard.edu>











禮樂合編卷之二

錫山日齋黃

廣無蛙父纂述

未齋華琪芳芳侯父參閱

禮樂原始統紀四

三國曹操以曹丕為五官中郎將。司馬張魯據漢

中以鬼道惑眾。丹陽郡吏殺太守孫翊妻徐氏

討殺之。女子志節始見此。劉備三顧諸葛亮於

隆中。曹操因匈奴來朝。留於鄴。分五部。散居汾

晉間。尋又徙武都氏於扶風天水。五胡亂華兆此。

哈佛大學漢和  
圖書館珍藏印

玉馨齋



魏主丕禁銅宗室。不許朝覲。通往來。魏何晏

大將軍何進。孫以主壻。拜駙馬都尉。魏置諸軍

都督。著作郎。律博士。度支尚書。魏制後嗣。有由

諸侯入奉大統者。不得顧私親。鍾繇爲行書法

魏光祿勳高堂隆疾篤。口占上疏陳戒。魏鑄

銅人。二曰翁仲。列坐司馬門外。吳孫權使康僧

求舍利。既得。卽爲造塔。

晉武帝初立國子。置祭酒。選良家女備六宮。禁天

下嫁娶。作樂辭。舞與歌相應。歌主聲。舞主形。自

六代之舞。至於漢魏。並不著辭。舞之有辭。自晉始。

立皇子廟。祭用大夫禮。五胡亂華。劉淵匈奴

也。而居晉陽。石勒羯也。而居上黨。姚氏羌也。而居

扶風。符氏氐也。而居臨渭。慕容鮮卑也。而居昌黎。

居處飲食。日趨於華。

惠帝爲左衛將軍。王輿迎復位。廢帝復位。始此。晉

右將軍王遐。司馬劉曇父名遐。求解職事。詔不許

解職。許換官。劉淵自稱漢王。復稱帝。爲夷狄稱

王。稱帝之始。晉江統議授官與本名同。及官位



犯祖諱宜改。晉博士孔晁上書犯帝諱。後自上  
又觸諱。而引詩書不諱。臨文不諱。有司奏以慢論。  
帝特原之。劉聰兵陷洛陽。弑太子詮。掘諸陵。焚  
宮廟。劉曜烝羊后。晉主熾還平陽。聰稱熾爲光祿  
大夫。平阿公。此中國帝王爲夷狄所執之始。  
元帝尊所生母荀氏爲建安郡君。妾並主母始此。  
孫文上言支子不應祭。刁協云諸侯奪宗。聖庶奪  
嫡。况天子乎。宜加議罪。於是有奪宗之議。  
成帝初稅田畝三升。納后群臣畢賀。此賀立后之

始。石虎始聽民爲僧。聽民劉峻出家。又聽洛陽  
婦阿潘等爲尼。涼州刺史張實遣兵入援。內援  
始此。殷浩罷遣大學生徒。立佛精舍於內殿。  
琅琊王妃敬后前薨。而王後纂統。追加謚號。改  
神主。晉道安受學於佛圖澄。以佛爲姓。懷帝  
蒙塵。崩於平陽。梓宮未返。元帝立廟時。入主太廟。  
修祭祀禮。未葬入廟始見。華恒議七代制之正  
也。若兄弟旁及禮之變也。宜爲神主立室。不宜以  
室限神主。今有七室而神主有十。宜當別立。



康帝諱岳與五岳同諱。請改避山川之諱始此。姚  
興命鳩摩羅什翻譯佛書。大營塔寺。中國有梵夾  
書始盛於此。後趙置戲馬觀。觀上安詔書。用五  
色紙。銜於木鳳口。而後頒之。今大禮御樓肆宥。自  
石季龍始。制角巾以葛爲之。形如恰而橫著之。  
尊卑共服。令天下所在土斷。欲流移附籍。  
南北朝魏立子燾爲太子監國。立天師道場。受方  
士寇謙之符籙。謙之修張魯法。自言嘗遇老子降  
命。繼道陵爲天師。賜以雲中音誦科誡之書。爲後

世齋醮科儀之始。授以玉女服氣導引法。爲後世  
辟穀修養之始。又言老子玄孫李譜。文授以圖籙  
真經。劾召百神。爲後世符籙攝召之始。銷鍊金丹  
雲英。八石玉漿。爲後世烹煉丹藥之始。詔吏民  
得告守令罪。令公卿子弟皆入太學。誅沙門。  
毀佛書佛像。增置內外候官。伺察百官過失。  
立郡學。置博士助教生員。每征伐尅捷。書帛建  
漆竿上。名爲露布。作大像高四十三尺。用銅十  
萬斤。黃金六百斤。以媚佛。罷門房之誅。非謀反



大逆罪止及身。詣道壇受符籙作靜輪宮。置淑妃。以孔子二十八世孫乘爲崇聖大夫。禁宗戚十族與非類婚偶。詔均田。男十五以上。受露田四十畝。婦人二十畝。奴婢三十畝。詔漢魏晉諸陵皆禁槨。蕪。詔死刑而親老無它子。旁親者以聞。改姓元爲胡人。冒中國姓之始。廢后爲尼。鑄錢曰太和五銖。胡太后攝行祭事。以其女弟爲女侍中。以崔亮爲吏部尚書。立停年格。爲資格用人之始。黃權以車騎將軍開府儀

同三司。達磨自南天竺泛海。至廣州。後止嵩山少林寺。中國禪禪始此。預徵六年租。稠。宇文泰以蕪綽爲行臺左丞。始制文案程式及計帳戶籍之法。初作府兵。宋初置貴妃位比相國。立玄史文儒四學。行元嘉曆以正朔。望。自是日食都在朔日。沙門雲標謀反伏誅。制民歲輸布戶四疋。作湘宮寺。令沙門拜人主。鄱陽侯孟懷玉母封國夫人。夫人封國始此。



齊太廟加薦藜味。有督攝萬幾之印。一鈕。以木爲之。長尺二寸。廣二寸五分。背上爲鼻。腹下隱起篆文。曰督攝萬幾四字。惟以印縫。條印原此。置文林館。以侍郎李德領之。推同判館事。共撰修德殿御覽。制病囚診治法。梁置州望。郡宗鄉豪。專掌搜薦。始鑄鐵錢。象四時立十二卿。羅紹威取魏良材爲五鳳樓。昭明太子於金城刺史院齋造文選。蕭衍捨身同泰寺。沈約屬辭比事。往往成編。爲證古類事。

音韻之學。自沈約爲四聲。及天竺梵學入中國。爲反切字。其學漸密。國之政事。並由中書省。有中書舍人五人。領主事十人。書吏二百人。分掌二十一局事。陳制春夏不斷死刑。周制十二丁兵。宇文護令百官執笏。始用士人爲縣令。初製紗幘。作乞寒胡戲。立五后。隋文帝楊堅。定服色。始服黃。置軍器監。初行新律。死刑二絞斬。流刑三。自二千里至三千里。徒刑



五。自一年至三年。杖刑五。自六十至百。笞刑五。自十至五十。又請減贖官常之科。以優士大夫。除訊囚酷法。考掠不得過二百。行杖者不得易人。枷杖大小。咸有程式。自是法制始定。凡前代所以梟輶鞭法。盡去之。後代因爲定制。令民有枉屈。縣不爲理者。聽以次經州郡省。若仍不理。聽詣闕申訴。以沙門韋璜爲翻經館學士。僧始官。賦錢造佛圖經像。命尚書六曹。每曹置一員外郎。又設六曹二十四司。命左右僕射分判六部。直九品。品

各有從。自太師始。至四品以下。每品分爲上下。凡三十階。又置視正二品。至九品。品各有從。自行臺尚書始。謂之視流內。置勳品九品。自錄事及五省令史始。謂之視流外。封功臣爲國公。初置工商不得仕進。詔諸司論屬官罪。聽律外決杖。或罪三奏。然後行刑。置行宮十二所。煬帝開通濟渠。引汴水。開邗溝。置離宮。造龍舟。始設進士科。詔牛洪等衣冠皆有等三四品。通着紫五品。朱六品以下。綠官吏青。庶人白。商皂。遣兵擊



琉球。以五百家為里。置里長一人。頒曆於突厥。

唐高祖定租庸調法。有田則有租。有身則有庸。有戶則有調。每丁租二石。絹二疋。綿三兩。給各官隨身佩魚。三品以上其飾金。五品以上其飾銀。即古韋袋。初行開通元寶錢。詔諸州明經秀士俊士進士。縣考試。州長重覆考。隨方入貢。初設太醫博士一人。療民疾。

太宗置弘文館。聚書籍。選文學之士。虞世南等。更日

宿直。罷周公祠。始以孔子為先聖。顏回為先師。

諫官隨宰相入閣議事。制御史法冠。文選

吏部主之。武選兵部主之。皆為三銓。尚書侍郎分主之。帝從四夷請。稱天可汗。詔定常服差等。

三品以上服紫。四品五品服緋。六品七品服綠。八品服青。御崇政殿試進士。按名一一呼之。面賜

及第唱名。李靖罷為特進。三日至中書。平章政事。詔僧道拜父母。五月五日賜各官飛白扇

二枚。定十道府兵之制。以宰相監修國史。制



史館修撰掌修國史。南平公主適王敬直始行婦禮。天子之女曰主嫁娶之名曰尚夫。屈於妻舅。姑下於婦。其原始於秦。至唐太宗女適王珪子。始與其妻坐受。公主執笄盥饋。是後公主始行婦禮。詔內職有闕。選良家才行者克。詔禮部引試。分差官廊下巡察。勿容私相教授。制要目與大駕先五輅行。頒氏族志。制烏紗帽。翼善冠。帝視國子監。命祭酒孔穎達講孝經。增築學舍。增廣生員。命呂才刊定宅葬祿命等書。以楊師

道爲中書令。劉洎黃門侍郎參知政事。以長孫無忌兼太子太師。房玄齡兼太傅。蕭瑀爲太保。李世勣爲詹事。瑀世勣同中書門下三品。改太子中舍人爲中允。起復于志寧爲太子詹事。制取士之科。由學館者曰生徒。由州縣者曰鄉貢。制大功不得聯職。詔邊州別置經略使。以勅勒諸部爲州府。其酋長爲都督刺史。制諸司相質問曰開關。制太子見三師儀。魏徵議叔嫂無服。長年之嫂。劬勞鞠養。請從小功。宴蠻夷酋



長於玄武門。奏七德九功之舞。祭陣亡子弟。改官名犯先帝諱者。始以左丘明等二十二。人從祀孔子。房玄齡等上高祖今上實錄。封公侯。無國土。其加實封者。則食其所分之戶。戶給縑帛。每賜爵。遞加一級。

高宗置太公廟。以張良配享。仍簡取古名將。准十哲。命弘文學士一人。待制武德殿西門。命百官四夷朝后於肅義門。命內外命婦入謁。初。令皇后決百司奏事。又與武后同聽政。又與后同幸李

世勣許圜師第。尚書省頒下諸州縣。並用黃紙。分高麗地爲州縣。立安東都護府。定銓注法。以身言書判取人。凡選者。先簡僕射。乃上門下省。給事中讀之。黃門侍郎省之。侍中審之。然後上聞。主者受旨奉行。各給以符。印其上。謂之告身。其文曰。尚書吏部告身之印。正月。百官四夷朝。武氏於光順門。宴百官及命婦於麟德殿。停南北中尚梨園作坊。武后置銅匱。受密奏。武后以僧懷義爲新平道大總管。討突厥。武后使舉人



王山輝等並授試官。文武官九品以上。每月送籍于引駕仗。及監門衛。衛以帳報內門。凡朝參奏事。待詔官出入者。閱其數。凡籍月一易之。立孫重照爲皇太孫。太子在而立太孫者。始見此。中宗許諫官御史風聞言事。武后置內供奉。武后策賢良。詔李景謨糊名考覆。曰彌封。覆試崔沔。始試士於洛城殿。爲後世進士殿試之始。命宰相撰時政記。月送史館。韋陟每書陟字。自號五雲體。俗相緣以爲常。後不取名。各出機巧。花押

始此。勅天下僧尼隸祠庫。置修文館學士。以李嶠等二十人爲之。命女官上官氏第其文。安樂公主與太平公主皆開府。安樂官屬尤濫。皆出屠販。納貨售官。降墨勅斜封授之。故號斜封官。南郊以皇后爲亞獻。以宰相女爲齋娘。召王公近臣入閣守歲。上與韋后觀燈市里。睿宗以公主爲女道士。玄宗置十道按察使。初置翰林院。召馬懷素褚無量更日侍讀。張說改政事堂號中書門下。列五



房於後。一曰吏房。二曰樞機。三曰兵房。四曰戶房。五曰刑禮房。分以曹官。召新除縣令試治民策。置左右教坊典倡優雜伎。勅諸州貢舉皆於本貫。不得於所在附貫。貢舉重鄉貫始此。考功員外郎爲舉人詆訶。玄宗以員外郎望輕。遂移貢舉於禮部。以侍郎主之。禮部知貢舉始此。始試詩賦。併雜文帖經爲三場。立童子科。十歲以下能通一經。及孝經論語。誦文十通。予官。令諸州貢舉。省試下第。願入學者聽。正月望夜。胡人婆陀

請燃燈百千。因弛門禁。帝御延禧安福門縱觀。御五鳳樓酺宴。置玄學博士。習老子莊子文子。列子曰。道舉士官秩。蔭第同國子。舉送課試。如明經。制僧尼令祠部給牒。以王璵爲祠祭使。用楮爲錢以祭。增太廟爲九室。置麗正書院。聚文學士修書侍講。作十王宅。以居王子。又置百孫院於宮側。又置維城庫於禁內。給諸王月俸。以鄮王嗣真等遙領大都護。諸王遙領外鎮始此。以宦者楊思最爲輔國大將軍。內臣爲將軍稱。



大始見此。始幕兵克宿衛曰禁兵。秋八月以帝生日爲千秋節。賜百官宴。始改顏回等十哲爲坐像。用李元瓘言。詔孔子門弟子從祀列左丘明等二十二人之上。追謚孔子爲文宣王。贈弟子爲公侯伯。唐故事。公卿皆搢笏于帶而後乘馬。張九齡獨常使人持之。因設笏囊。蕭嵩爲相以天子升降不當令人見。奏凡朔望臨朝。備羽扇於殿下。將出。所司承旨索扇。扇合。上坐。坐定。去扇。上將退。又索扇如初。學士專掌內命。凡拜免將相。

號令征伐皆用白麻。勅令王妻爲妃。文武官國公妻爲夫人。稱謂自此定。加母黨服。御史中丞與諸道按察使檢責海內鹽鐵課。募丁壯長克邊軍。制戶籍。三歲一定。分爲九等。帝好羯鼓。稱爲八音領袖。命黃幡綽換拍板。加聖祖及諸帝后號謚。羣臣請加尊號凡十二字。始封東鎮沂山爲東安公。南鎮會稽山爲永興公。西鎮吳山爲成德公。中鎮霍山爲應聖公。北鎮醫巫閭山爲廣寧公。封河爲靈源公。濟爲清源公。江爲廣



源公。淮為長源公。封東海為廣德公。南海為廣利公。西海為廣濶公。北海為廣澤公。詔祀歷代忠臣義士。孝婦烈女。所在置祠宇。量事致祭。追削李林甫官爵。剖其棺。

肅宗置防禦團練使。制以官爵賞功。是時府庫無蓄積。朝廷專以官爵賞功。諸將出征。皆給空名告身。聽臨事注名。有至開府特進異姓王者。諸軍但以職任相統攝。不復計官爵高下。及是復以官爵收散卒。由是官爵輕而貨重大。將軍告身一通。纔

易一醉。凡應募入軍者。一切衣金紫。各器之濫極矣。歲遺回訖綃二萬疋。為歲帛之始。置左右神武軍。命郭子儀等九節度討安慶緒。以宦官魚朝恩為觀軍容使。制除五品以上官。令舉一人自代。

代宗號宦者李輔國為尚父。而不名。以大司空兼中書令。尋進爵博陸王。稅青苗錢。給百官俸。追謚齊王。惔為承天皇帝。謚王為皇帝。僅見此。始置內樞密使。以宦者叅掌其事。詔寃滯聽詣三



司使及撾登聞鼓。

德宗詔稅夏輸無過六月。秋輸無過十一月。置兩稅使以總之。其租庸調雜徭悉省。皆總於度支。兩稅外取一錢者。以枉法論。初稅商漆竹木錢。初行稅間架。除陌錢法。帝以二月節為中和節。與上巳九日為三令節。借富商錢約罷兵乃償。減江淮運米。令京兆邊鎮和糴。稅茶。詔宰相送秉筆以處政事。以宦者為宮市使。始令史官撰日曆。始賜有功將士以功臣名號。如奉天。

定難功臣是也。

憲宗以宦者劉光琦知樞密院。公主選取門閥。

詔丞相出入加執金吾騎士。張弦露刃以衛。准西用兵。度支鹽鐵使及四方爭進助軍。賊平。進賀禮助賞。

穆宗尊貴妃郭氏為皇太后。愛妃不立后。僅見此。

改文昌言禮部侍郎錢徽等知貢舉不公。令覆試。貶徽等外任。帝餌金石藥有疾。

敬宗鹽鐵使王播進羨餘絹百萬疋。



文宗誕日禁屠宰。帝好聽外議。諫官言事。多不署名。

武宗內侍監仇士良致仕。帝疾篤。宦官馬元贄立光王怡為皇太叔。

宣宗定太廟為九代十一室。吏部尚書李景讓上言。穆宗乃陛下兄。敬宗文宗武宗乃兄之子。陛下拜兄。可拜侄。可乎。宜遷四主出廟。代宗以下入廟。詔百官議。不決而止。

懿宗歷拜十六陵。以宗女妻南詔。南蠻為婚。僅見

此。

昭宗有事南郊。宦官始服劔佩。宦官楊復恭肩輿至太極殿。

五季契丹始用中國人韓延徽為相。

唐初令百官常朝外。五日一入內殿起居。轉對奏事。收麩稅。刊刻九經板。

晉籍鄉兵。

周立訐訟法。必自下而上。毋得挾私越訴。稅牛皮。給漕運斗耗。作欽天曆。



宋太祖初試貢士賜進士第。賜屢試不第舉人出身。

初以文臣知州事。置諸州通判。以常參官知縣

事。詔諸州府以軍卒代百姓充遞脚力。詔州

縣徵科置簿籍。置折中倉。聽商人輸粟京師。優

其直。給江淮鹽。此召商中鹽之始。置權貨務。

郡縣田祿以芒種為斷。芒種以前去官一年。俸祿

盡歸前人。以後者歸後人。始令嬪為舅姑服三

年。置修撰編修檢討官。鞮鞞入貢於宋。此蒙

古通中國之始。始制州郡盛暑恤獄。立報水

早期式。初置市舶司於廣州。始禁道士不得

畜妻孥。初詔諸道轉運使糾察官吏。

太宗賜江州白鹿洞九經。始分進士為三甲。賜及

第。進士綠袍靴笏。仍賜宴瓊林院。題名桂籍堂。

幸太學。賜群臣坐。時侍講李奭執經講堯典未畢。

講說命三篇。賜帛三十疋。宴羣臣於後苑。賞花

釣魚。命羣臣賦詩。作秘閣。分三館書籍置其中。

詔致仕官給半俸。詔羣臣迎養父母。分天

下州軍為十五路。以子襄王元侃為開封尹。



真宗初給外任官職田。以張齊賢爲涇原諸路經  
畧使。爲大臣行邊之始。始置閣藏先朝文籍御  
書。始與契丹歲幣。王欽若進泰山天書羣臣  
上尊號。頒釋奠先聖儀併祭器於天下。始給  
諸州學田。勅叔梁紇追封齊國公。顏氏封魯國  
太夫人。并宮氏封鄆國夫人。孔子父母妻始封。  
加五嶽以帝號。以占城稻種給民。中國始有旱  
禾。始開經筵。南郊禮畢大宴廣德殿。以應  
天府爲南京。

仁宗初置益州交子務。

皇太后劉氏崩。謚曰莊獻。

明肅后皆二謚。加四謚始此。軍中置傳信牌。

始立武學。詔進士預殿試者不黜落。以大名

府爲北京。

英宗詔禮部三歲一貢舉。

神宗用王安石言。行均輸青苗保馬免役方田諸役。  
號爲新法。詔百官坐罪免杖黥。自是刑不上大  
夫。立保甲募役法。王安石議除去聲律對偶  
之文。使學者專意經術。士各占易詩書周禮禮記。



兼論語孟子。試義須通經有文采。乃爲中格。不但帖經墨義而已。王安石廢春秋儀禮。立太學生三舍。鬻坊塲祠廟。後承買官地始此。法有上中下之別。詔宗室非袒免親者許應舉。李杞以茶易秦鳳熙河馬。詔船戶十五戶爲一甲。以輸賦役。

哲宗始復春秋博士。分經詩賦爲兩科。聘用六禮。百姓逋欠積年錢糧。令帶納。詔進士專習經義。

徽宗立八行取士科。令州縣立黨人碑。詔以孔

伋從祀孔子廟。上昊天上帝徽號。置道階凡

二十六級。給道士俸。道士冊帝爲教主。道君皇

帝。初收經制錢。爲東南七郡之害。始遣武義

大夫馬政。浮海通女真。夾攻遼。封宦者童貫爲

廣陽郡王。

欽宗詔出內帑。及括借士民金帛。遣康王構。少宰張

邦昌。往女真軍爲質。中國質夷狄始此。立沿河

江淮帥府。



高宗初置見錢關子。始收諸路月椿錢。初制節度使以下象牙牌。第其官資書之於牌。御書押字。刻金填之。仍合同製造。一畱禁中。一降付都督府。相臣主其事。緩急臨敵。果有建立奇勲之人。先給賜以為執守。詔臨安府置養濟院。女真遣使以衮冕來。冊帝為大宋皇帝。女真禁繼父繼母之男女無相嫁娶。頒黃庭堅所書戒石銘於州縣。曰。爾俸爾祿。民膏民脂。下民易虐。上天難欺。孝宗以朱熹提舉浙東常平茶鹽。立社倉法。下諸路

行之。監察御史陳賈請禁道學。曹孝慶疏將官戶田產逾限之數。抽三分之一。回買以克公田。從之。

度宗升顯孫師於十哲。列邵雍司馬光於從祀。西域進萬年曆於蒙古。蒙古制江南人為十等。元世祖加孔子號曰大成。江南糧分為春夏二運。由海運至燕都。

仁宗勅宦官勿得授文階。文宗加封顏回為克國復聖公。曾參邾國宗聖公。孔



及沂國述聖公孟軻鄒國亞聖公已上二史

禮樂盡變本紀

天行健。君子以自強不息。

地勢坤。君子以厚德載物。

雲雷屯。君子以經綸。

山下出泉蒙。君子以果行育德。

雲上於天需。君子以飲食宴樂。

天與水違行訟。君子以作事謀始。

地中有水師。君子以容民畜衆。

地上有水比。先王以建萬國親諸侯。



風行天上小畜。君子以懿文德。

上天下澤履。君子以辯上下定民志。

天地交泰。后以財成。天地之道。輔相天地之宜。以左右民。

天地不交否。君子以儉德辟難。不可榮以祿。

天與火同人。君子以類族辨物。

火在天上大有。君子以遏惡揚善。順天休命。

地中有山謙。君子以裒多益寡。稱物平施。

雷出地奮豫。先王以作樂崇德。殷薦之上帝。以配祖

考。

澤中有雷隨。君子以嚮晦入宴息。

山下有風蠱。君子以振民育德。

澤上有地臨。君子以教思無窮。容保民無疆。

風行地上觀。先王以省方觀民設教。

雷電噬嗑。先王以明罰勅法。

山下有火賁。君子以明庶政。无敢折獄。

山附於地剝。上以厚下安宅。

雷在地中復。先王以至日閉關商旅不行。后不省方。



天下雷行。物與无妄。先王以茂對時育萬物。天在山中大畜。君子以多識前言往行以畜其德。山下有雷頤。君子以慎言語節飲食。澤滅木大過。君子以獨立不懼遯世无悶。水洊至習坎。君子以常德行習教事。明兩作離。大人以繼明照於四方。山下有澤咸。君子以虛受人。雷風恒。君子以立不易方。天下有山遯。君子以遠小人。不惡而嚴。

雷在天上大壯。君子以自昭明德。明入地中明夷。君子以莅衆用晦而明。風自火出家人。君子以言有物而行有恒。上火下澤睽。君子以同而異。山上有水蹇。君子以反身修德。雷雨作解。君子以赦過宥罪。山下有澤損。君子以懲忿窒慾。風雷益。君子以見善則遷。有過則改。澤上於天夬。君子以施祿及下。居德則忌。



天下有風姤。后以施命告四方。  
澤上於地萃。君子以除戎器。戒不虞。  
地中生木升。君子以順德。積小以高大。  
澤无水困。君子以致命遂志。  
木上有水井。君子以勞民勸相。  
澤中有火革。君子以治曆明時。  
木上有火鼎。君子以正位凝命。  
洊雷震。君子以恐懼修省。  
兼山艮。君子以思不出其位。

山上有木漸。君子以居賢德善俗。  
澤上有雷歸妹。君子以永終知敝。  
雲電皆至豐。君子以折獄致刑。  
山上有火旅。君子以明慎用刑。而不留獄。  
隨風巽。君子以申命行事。  
麗澤兌。君子以朋友講習。  
風行水上渙。先王以享于帝。立廟。  
澤上有水節。君子以制數度。議德行。  
澤上有風中孚。君子以議獄緩死。



山上。有雷。小過。君子以行過乎恭。喪過乎哀。用過乎  
儉。水在火上。既濟。君子以思患而豫防之。  
火在水上。未濟。君子以慎辯物居方。

禮樂大用本紀

六位時成。時乘六龍以御天。龍德而正中。同聲

相應。同氣相求。水流濕。火就燥。雲從龍。風從虎。聖人

作而萬物覩。先天而天弗違。後天而奉天時。乾

雷雨之動滿盈。天造草昧。宜建侯而不寧。屯

剛中正。履帝位而不疚。履

天地交而萬物通也。上下交而其志同也。內陽而外

陰。內健而外順。內君子而外小人。泰

惟君子為能通天下之志。同人



天地以順動。故日月不過。而四時不忒。聖人以順動。則刑罰清而民服。豫

聖人以神道設教。而天下服。觀

觀乎天文。以察時變。觀乎人文。以化成天下。賁

天地養萬物。聖人養賢以及萬民。頤

日月麗乎天。百穀草木麗乎土。重明以麗乎正。乃化

成天下。離

天地感而萬物化生。聖人感人心而天下和平。咸

日月得天而能久照。四時變化而能久成。聖人久於

其道而天下化成。恒

天地解而雷雨作。雷雨作而百果草木皆甲拆。解

天地革而四時成。湯武革命。順乎天而應乎人。革

聖人亨以養上帝。而大亨以養聖賢。鼎

艮其背。不獲其身。行其庭。不見其人。艮

說以先民。民忘其勞。說以犯難。民忘其死。兌

天地節而四時成。節以制度。不傷財。不害民。節

與天地相似。故不違。知周乎萬物。而道濟天下。故不

過。旁行而不流。樂天知命。故不憂。安土敦乎仁。故能



愛。範圍。天地。之。化。而。不。過。曲。成。萬。物。而。不。遺。通。乎。晝  
夜。之。道。而。知。故。神。無。方。而。易。無。體。顯。諸。仁。藏。諸。用。  
鼓。萬。物。而。不。與。聖。人。同。憂。廣。大。配。天。地。變。通。配。四  
時。陰。陽。之。義。配。日。月。易。簡。之。善。配。至。德。天。地。之。大  
德。曰。生。聖。人。之。大。寶。曰。位。何。以。守。位。曰。仁。何。以。聚。人  
曰。財。理。財。正。辭。禁。民。爲。非。曰。義。尺。蠖。之。屈。以。求。信  
也。龍。蛇。之。蟄。以。存。身。也。精。義。入。神。以。致。用。也。利。用。安  
身。以。崇。德。也。履。和。而。至。謙。尊。而。光。復。小。而。辨。於。物。  
恒。雜。而。不。厭。損。先。難。而。後。易。益。長。裕。而。不。失。困。窮。而

通。井。居。其。所。而。遷。吳。稱。而。隱。履。以。和。行。謙。以。制。禮。

復。以。自。知。恒。以。一。德。損。以。遠。害。益。以。興。利。困。以。寡。怨。

井。以。辨。義。吳。以。行。權。繫辭

關。四。門。明。四。目。達。四。聰。惇。德。允。元。而。難。壬。人。亮。

采。惠。疇。舜典

后。克。艱。厥。后。臣。克。艱。厥。臣。水。火。金。木。土。穀。惟。修。正。

德。利。用。厚。生。惟。和。九。功。惟。敘。九。敘。惟。歌。戒。之。用。休。董。

之。用。威。勸。之。以。九。歌。臨。下。以。簡。御。衆。以。寬。克。勤。

千。邦。克。儉。于。家。大禹謨



知人則哲。能官人。安民則惠。黎民懷之。百工惟時。撫于五辰。臯陶謨

懋遷有無化居。帝庸作歌曰。勅天之命。惟時惟幾。乃歌曰。股肱喜哉。元首起哉。百工熙哉。臯陶拜手稽首。颺言曰。念哉。率作興事。慎乃憲。欽哉。屢省乃成。欽哉。乃賡載歌曰。元首明哉。股肱良哉。庶事康哉。又歌曰。元首叢脞哉。股肱惰哉。萬事墮哉。帝拜曰。俞。往欽哉。益稷

惟王不邇聲色。不殖貨利。德懋懋官。功懋懋賞。用人

惟已。改過不吝。仲虺之誥

克綏厥猷。惟后。湯誥

從諫弗拂。先民時若。居上克明。為下克忠。與人不求

備檢身。若不及。伊訓

自周有終。慎乃儉德。惟懷永圖。奉先思孝。接下

思恭。視遠惟明。聽德惟聰。太甲

式敷民德。永肩一心。盤庚

后從諫則聖。明王奉若天道。建邦設都。樹后王君

公。承以大夫師長。惟天聰明。惟聖時憲。惟事事



乃其有備。有備無患。監于先王成憲。說命 宣聰明作元后。元后作民父母。惟天惠民。惟辟奉天。泰誓

列爵惟五。分土惟三。建官惟賢。位事惟能。重民五教。

惟食喪祭。惇信明義。崇德報功。武成

三八政。一曰食。二曰貨。三曰祀。四曰司空。五曰司徒。

六曰司寇。七曰賓。八曰師。皇建其有極。欽時五福。

用敷錫厥庶民。六三德。一曰正直。二曰剛克。三曰

柔克。平康正直。彊弗友剛克。燮友柔克。沉潛剛克。高

明柔克。惟辟作福。惟辟作威。惟辟玉食。洪範

不役耳目。百度惟貞。不作無益。害有益。功乃成。不

貴異物。賤用物。民乃足。旅爨

敷責敷前。人受命。大誥

庸庸。祗祗。威威。康誥

迪畏天。顯小民。經德秉哲。酒誥

和。懌。先後。迷民。梓材

保受王威命明德。召誥

明作有功。惇大成裕。和恒四方。民居師。我惟無



戰其康事。亂為四方新辟。作周恭先。篤前人成。

烈答其師。作周孚先。洛誥

顓俊尊上帝。立政

出入自爾師。虞庶言同。則繹。必有忍。其乃有濟。有

容德乃大。君陳

不平富。不務咎。底至齊信。康王之誥

政貴有恒。辭尚體要。畢命

思其艱。以圖其易。君牙

適求厥寧。適觀厥成。文王

訐謨定命。遠猷辰告。敬慎威儀。維民之則。抑王至

柔亦不茹。剛亦不吐。不侮矜寡。不畏彊禦。烝民

受小球。大球為下國贅。旒何天之休。不競不綈。不剛

不柔。敷政優優。百祿是適。受小共。大共為下國駿。

龐何天之龍。敷奏其勇。不震不動。不難不竦。百祿是

總。長發

政寬則民慢慢。則糾之以猛。猛則民殘。殘則施之以

寬。寬以濟猛。猛以濟寬。政是以和。仲尼

朝以聽政。晝以訪問。夕以修令。夜以安身。子產



天生時而地生財。人其父生而師教之。四者君以正用之。故君者立於無過之地也。君者所明也。非明人者也。君者所養也。非養人者也。君者所事也。非事人者也。故君明人則有過。養人則不足。事人則失位。故百姓則君以自治也。養君以自安也。事君以自顯也。故禮達而分定。禮運

先王之所以治天下者五。貴有德。為其近於道也。貴為其近於君也。貴老。為其近於親也。敬長。為其近於兄也。慈幼。為其近於子也。是故至孝近乎王。至弟

近乎霸。祭義

敢問君何貴乎天道也。曰貴其不已。如日月西東相從。而巳也。哀公問

天無私覆。地無私載。日月無私照。奉斯三者以勞天下。此之謂三無私。孔子問居

惟王建國。辨方正位。體國經野。設官分職。以為民極。周禮

聖人之教民也。率天如祖地。是以高舉不過天。深慮不過地。大戴禮



禮樂精微本紀

君子進德修業。忠信所以進德也。修辭立其誠。所以居業也。知至至之。可與幾也。知終終之。可與存義也。

乾

敬以直內。義以方外。

君子黃中通理。

坤

蒙以養正。聖功也。

蒙

剛健而不陷。其義不困窮矣。

困

不遠之復。以修身也。

中行獨復。以從道也。

復

動靜不失其時。其道光明。

艮



洗心退藏于密。吉凶與民同患。神以知來，知以藏往。君子知微知彰，知柔知剛，萬夫之望。夫乾天下

之至健也，德行恒易以知險，夫坤天下之至順也。德行恒簡以知阻。繫辭

人心惟危，道心惟微，惟精惟一，允執厥中。敬修其可願。大禹謨

慎厥身，修思永。臯陶謨

安汝止，惟幾惟康。益稷

祗台德先。禹貢

以義制事，以禮制心。仲虺

先王昧爽，丕顯，坐以待旦。欽厥止，率乃祖攸行。太甲

德無常師，主善為師。善無常主，協于克一。咸有德

慮善以動，動惟厥時。惟厥攸居，政事惟醇。惟學

遜志務時，敏厥修乃來。允懷于茲，道積于厥躬。惟

敷學半，念終始典于學，厥德修罔覺。說命

志以道寧。旅獒

弘於天，用康乃心，顧乃德，遠乃猷。康誥

爾克永觀，省作稽中德。酒誥



嚴恭寅畏。天命自度。無逸

雖。雖。在。宮。肅。肅。在。廟。不。顯。亦。臨。無。射。亦。保。  
肆戎疾

不。殄。烈。假。不。瑕。不。聞。亦。式。不。諫。亦。入。  
思齊

帝。謂。文。王。無。然。畔。援。無。然。歆。羨。誕。先。登。于。岸。  
皇矣

敬。天。之。怒。無。敢。戲。豫。敬。天。之。渝。無。敢。馳。驅。昊。天。曰。明。

及。爾。出。王。昊。天。曰。旦。及。爾。游。衍。  
板

夙。夜。基。命。宥。密。於。緝。熙。單。厥。心。  
昊天

日。就。月。將。學。有。緝。熙。于。光。明。佛。時。仔。肩。示。我。顯。德。行。

敬

聖敬日躋。長發

學然後知不足。教然後知困。知不足然後能自反。知

困然後能自強。樂記



禮樂本體本紀

元者善之長也。亨者嘉之會也。利者義之和也。貞者事之幹也。君子體仁足以長人。嘉會足以合禮。利物足以和義。貞固足以幹事。大哉乾乎。剛健中正純粹精也。

乾

直方大。坤

其德剛健而文明。應乎天而時行。大有

正。大而天地之情可見。大壯

履德之基也。謙德之柄也。復德之本也。恒德之固也。



損德之修也。益德之裕也。困德之辨也。井德之地也。與德之制也。立天之道曰陰與陽。立地之道曰柔

與剛。立人之道曰仁與義。繫辭

欽明文思安安。允恭克讓。堯典

濬哲文明。溫恭允塞。舜典

帝德廣運。乃聖乃神。乃武乃文。大禹謨

寬而栗。柔而立。愿而恭。亂而敬。擾而毅。直而溫。簡而

廉。剛而塞。彊而義。皐陶謨

克寬克仁。仲虺之誥

二五事。一曰貌。二曰言。三曰視。四曰聽。五曰思。貌曰

恭。言曰從。視曰明。聽曰聰。思曰睿。恭作肅。從作乂。明

作哲。聰作謀。睿作聖。洪範

乃祖成湯。克齊聖。廣淵。微子之命

徽柔懿恭。無逸

羔羊之皮。素絲五紝。退食自公。委蛇委蛇。羔羊之革。

素絲五緘。委蛇委蛇。自公退食。羔羊之縫。素絲五總。

委蛇委蛇。退食自公。羔羊

其心塞淵。終溫且惠。燕燕



淑人君子。其德不回。鼓鍾

維此王季。帝度其心。猶其德音。其德克明。克明克類。

克長克君。王此大邦。克順克比。比于文王。其德靡悔。

帝謂文王。予懷明德。不大聲以色。不長夏以革。不識

不知。順帝之則。皇矣

有馮有翼。有孝有德。以引以翼。豈弟君子。四方爲則。

顛顛昂昂。如圭如璋。令聞令望。豈弟君子。四方爲綱。

卷阿

仁者天下之表也。義者天下之制也。報者天下之利

也。仁者右也。道者左也。仁者人也。道者義也。夫

道有至。有義有考。至道以王。義道以霸。考道以爲無

失。恭近禮。儉近仁。信近情。夫恭寡過。情可信。儉易

容也。表記

寬。肅宣惠。君也。寬所以保本也。肅所以濟時也。宣所

以教施也。惠所以和民也。敬恪恭儉。臣也。敬所以承

命也。恪所以守業也。恭所以給事也。儉所以足用也。

穀梁



禮樂光華本紀

雷電合而章。噬嗑

大人虎變其文炳也。

君子豹變其文蔚也。革

君子之光其暉吉也。未濟

可久則賢人之德可大則賢人之業。富有之謂大

業日新之謂盛德。繫辭

光被四表格于上下。堯典

重華協于帝。舜典

文命敷于四海。念茲在茲。釋茲在茲。名言茲在茲。



允出茲在茲。汝惟不矜。天下莫與汝爭能。汝惟不

伐。天下莫與汝爭功。舞干羽于兩階。大禹謨

俾萬姓咸曰大哉王言。又曰一哉王心。咸有一德

若日月之照臨。光于四方。顯于西土。恭誓

曰天子作民父母。以為天下王。洪範

作德心逸日休。周官

見冒聞于上帝。君奭

至治馨香。感于神明。黍稷非馨。明德惟馨。君陳

穆穆在上。明明在下。灼于四方。罔不惟德之勤。呂刑

有斐君子。如金如錫。如圭如璧。淇澳

公孫碩膚。赤舄几几。狼跋

為龍為光。其德不爽。蓼蕭

追琢其章。金玉其相。勉勉我王。綱紀四方。棫樸

瑟彼玉瓚。黃流在中。旱麓

彼都人士。狐裘黃黃。其容不改。出言有章。行歸于周。

萬民所望。都人士

威儀抑抑。德音秩秩。假樂

言語之美。穆穆皇皇。朝廷之美。濟濟翔翔。祭祀之美。



齊齊皇皇。車馬之美。匪匪翼翼。鸞和之美。肅肅雍雍。  
少儀

禮樂過化本紀

以親九族。九族既睦。平章百姓。百姓昭明。協和萬邦。

黎民於變時雍。堯典

慎徽五典。五典克從。納于百揆。百揆時叙。賓于四門。

四門穆穆。舜典

俾予從欲以治。四方風動。大禹謨

能哲而惠。何憂乎驩兜。何遷乎有苗。何畏乎巧言令

色孔壬。皋陶謨

惟動不應。後志。益稷



東漸于海。西被于流沙。朔南暨。聲教訖于四海。禹貢

德日新。萬邦惟懷。仲虺

立愛惟親。立敬惟長。始于家邦。终于四海。伊訓

一人元良。萬邦以貞。太甲

不寶遠物。則遠人格。所寶惟賢。則邇人安。旅獒

先王既勤用明德。懷為夾。庶邦享。作兄弟。方來。梓材

其惟王位。在德。元小民乃惟刑用于天下。召誥

惟公德明。光于上下。勤施于四方。旁作穆穆。迓衡。洛誥

南有喬木。不可休息。漢有游女。不可求思。漢之廣矣。

不可泳思。江之永矣。不可方思。漢廣

彼茁者葭。壹發五豝。于嗟乎騶虞。彼茁者蓬。壹發

五豝。于嗟乎騶虞。騶虞

無競維人。四方其訓之。不顯維德。百辟其刑之。烈文



禮樂布象本紀

乾初九潛龍勿用。九二見龍在田利見大人。九

三君子終日乾乾夕惕若厲无咎。九四或躍在淵

无咎。九五飛龍在天利見大人。上九亢龍有悔。

用九見羣龍无首吉。

坤初六履霜堅冰至。六二直方大不習无不利。

六三含章可貞或從王事无成有終。六四括囊无

咎无譽。六五黃裳元吉。上六龍戰于野其血玄

黃。用六利永貞。



屯初九磐桓利居貞利建侯。六二屯如遭如乘馬。班如匪寇婚媾女子貞不字十年乃字。六三即鹿無虞惟入于林中君子幾不如舍往吝。六四乘馬班如求婚媾往吉无不利。九五屯其膏小貞吉大貞凶。上六乘馬班如泣血漣如。

蒙初六發蒙利用刑人用說桎梏以往吝。九二包蒙吉納婦吉子克家。六三勿用取女見金夫不有躬无攸利。六四困蒙吝。六五童蒙吉。上九擊蒙不利為寇利禦寇。

需初九需于郊利用恒无咎。九二需于沙小有言終吉。九三需于泥致寇至。六四需于血出自穴。九五需于酒食貞吉。上六入于穴有不速之客三人來敬之終吉。

訟初六不永所事小有言終吉。九二不克訟歸而逋其邑人三百戶无眚。六三食舊德貞厲終吉或從王事无成。九四不克訟復即命渝安貞吉。九五訟元吉。上九或錫之鞶帶終朝三褫之。

師初六師出以律否臧凶。九二在師中吉无咎王



三。錫命。六三師或輿尸凶。六四師左次无咎。六五田有禽利執言无咎長子帥師弟子輿尸貞凶。

上六大君有命開國承家小人勿用。

比初六有孚比之无咎有孚盈缶終來有他吉。六

二比之自內貞吉。六三比之匪人。六四外比之

貞吉。九五顯比王用三驅失前禽邑人不誠吉。

上六比之无首凶。

小畜初九復自道何其咎吉。九二牽復吉。九三

輿說輻夫妻反目。六四有孚血去惕出无咎。九

五有孚攣如富以其鄰。上九既雨既處尚德載婦

貞厲月幾望君子征凶。

履初九素履往无咎。九二履道坦坦幽人貞吉。

六三眇能視跛能履履虎尾啞人凶武人爲于大君。

九四履虎尾愬愬終吉。九五夬履貞厲。上九

視履考祥其旋元吉。

泰初九拔茅茹以其彙征吉。九二包荒用馮河不

遐遺朋亡得尚于中行。九三无平不陂无往不復。

艱貞无咎勿恤其孚于食有福。六四翩翩不富以



其鄰不戒以孚。六五帝乙歸妹。以祉元吉。上六  
城復于隍。勿用師。自邑告命。貞吝。

否初六拔茅茹。以其彙。貞吉亨。六二包承。小人吉。

大人否亨。六三包羞。九四有命。无咎。疇離祉。

九五休否。大人吉。其亡其亡。繫于苞桑。上九傾否。

先否後喜。

同人初九同人于門。无咎。六二同人于宗。吝。九

三伏戎于莽。升其高陵。三歲不興。九四乘其墉。弗

克攻。吉。九五同人先號咷而後笑。大師克相遇。

上九同人于郊。无悔。

大有初九无交害。匪咎。艱則无咎。九二大車以載。

有攸往。无咎。九三公用亨于天子。小人弗克。九

四匪其彭。无咎。六五厥孚交如。威如吉。上九自

天祐之。吉无不利。

謙初六謙謙君子。用涉大川。吉。六二鳴謙。貞吉。

九三勞謙。君子有終。吉。六四无不利。撝謙。六五

不富以其鄰。利用侵伐。无不利。上六鳴謙。利用行

師。征邑國。



豫初六鳴豫凶。六二介于石。不終日貞吉。六三

盱豫悔遲有悔。九四由豫大有得勿疑朋盍簪。

六五貞疾恒不夬。上六冥豫成有渝无咎。

隨初九官有渝貞吉出門交有功。六二係小子失

丈夫。六三係丈夫失小子隨有求得利居貞。九

四隨有獲貞凶有孚在道以明何咎。九五孚于嘉

吉。上六拘係之乃從維之王用亨于西山。

蠱初六幹父之蠱有子考无咎厲終吉。九二幹母

之蠱不可貞。九三幹父之蠱小有悔无大咎。六

四裕父之蠱往見吝。六五幹父之蠱用譽。上九

不事王侯高尚其事。

臨初九咸臨貞吉。九二咸臨吉无不利。六三甘

臨无攸利既憂之无咎。六四至臨无咎。六五知

臨大君之宜吉。上六敦臨吉无咎。

觀初六童觀小人无咎君子吝。六二闚觀利女貞。

六三觀我生進退。六四觀國之光利用賓于王。

九五觀我生君子无咎。上九觀其生君子无咎。

噬嗑初九履校滅趾无咎。六二噬膚滅鼻无咎。



六三噬腊肉遇毒小吝无咎。九四噬乾肺得金矢。利艱貞吉。六五噬乾肉得黃金貞厲无咎。上九何校滅耳凶。

賁初九賁其趾舍車而徒。六三賁其須。九三賁

如濡如永貞吉。六四賁如皤如白馬翰如匪寇婚

媾。六五賁于丘園束帛戔戔吝終吉。上九白賁

无咎。

剝初六剝牀以足蔑貞凶。六二剝牀以辨蔑貞凶。

六三剝之无咎。六四剝牀以膚凶。六五貫魚

以宮人寵无不利。上九碩果不食君子得輿小人

剝廬。

復初九不遠復无祇悔元吉。六二休復吉。六三

頻復厲无咎。六四中行獨復。六五敦復无悔。

上六迷復凶有災眚用行師終有大敗以其國君凶。

至于十年不克征。

无妄初九无妄往吉。六二不耕獲不菑畲則利有

攸往。六三无妄之災或繫之牛行人之得邑人之

災。九五无妄之疾勿藥有喜。上九无妄行有眚。



无攸利。

大畜初九有厲利已。九二輿說輻。九三良馬逐。

利艱貞。日閑輿衛。利有攸往。六四童牛之牯。元吉。

六五豮豕之牙吉。上九何天之衢亨。

頤初九舍爾靈龜。觀我朵頤凶。六二顛頤。拂經于

丘。頤征凶。六三拂頤。貞凶十年勿用。无攸利。六

四顛頤。吉。虎視眈眈。其欲逐逐。无咎。六五拂經。居

貞吉。不可涉大川。上九由頤厲吉。利涉大川。

大過初六藉用白茅。无咎。九二枯楊生稊。老夫得

其女。妻无不利。九三棟桡凶。九四棟隆吉。有他

吝。九五枯楊生華。老婦得其士夫。无咎。无譽。上

六過涉。滅頂凶。无咎。

習坎初六習坎入于坎窞凶。九二坎有險。求小得。

六三來之。坎坎險且枕。入于坎窞。勿用。六四樽

酒。簋贰用缶。納約自牖。終无咎。九五坎不盈。祗既

平。无咎。上六係用徽纆。寘于叢棘。三歲不得凶。

離初九履錯然。敬之无咎。六二黃離元吉。九三

日昃之離。不鼓缶而歌。則大耋之嗟凶。九四突如其



其來如焚如。歾如棄如。六五出涕沱若。戚嗟若吉。  
上九王用出征。有嘉折首。獲匪其醜。无咎。

咸初六咸其拇。六二咸其腓。凶居吉。九三咸其股。執其隨。往吝。九四貞吉。悔亡。憧憧往來。朋從爾

思。九五咸其脢。无悔。上六咸其輔頰舌。  
恒初六浚恒。貞凶。无攸利。九二悔亡。九三不恒

其德。或承之羞。貞吝。九四田无禽。六五恒其德。貞婦人吉。夫子凶。上六振恒凶。

遯初六遯尾厲。勿用。有攸往。六二執之用黄牛之

革。莫之勝說。九三係遯。有疾厲。畜臣妾吉。九四  
好遯。君子吉。小人否。九五嘉遯。貞吉。上九肥遯  
无不利。

大壯初九壯于趾。征凶。有孚。九二貞吉。六四九三  
小人用壯。君子用罔。貞厲。羝羊觸藩。羸其角。九四

貞吉。悔亡。藩决不羸。壯于大輿之輹。六五喪羊于  
易。无悔。上六羝羊觸藩。不能退。不能遂。无攸利。艱

則吉。  
晉初六晉如摧如。貞吉。罔孚。裕无咎。六二晉如愁



如貞吉。受茲介福于其王母。六三衆允悔亡。九  
 四晉如鼫鼠貞厲。六五悔亡失得勿恤往吉无不  
 利。上九晉其角維用伐邑厲吉无咎貞吝。  
 明夷初九明夷于飛垂其翼君子于行三日不食有  
 攸往主人有言。六二明夷于左股用拯馬壯吉。  
 六三明夷于南狩得其大首不可疾貞。六四入于  
 左腹獲明夷之心于出門庭。六五箕子之明夷利  
 貞。上六不明晦初登于天後入于地。  
 家人初九閑有家悔亡。六二无攸遂在中饋貞吉。  
 家人初九閑有家悔亡。六二无攸遂在中饋貞吉。

九三家人嗃嗃悔厲吉婦子嘻嘻終吝。六四富  
 家大吉。九五王假有家勿恤吉。上九有孚威如  
 終吉。

睽初九悔亡喪馬勿逐自復見惡人无咎。九二遇  
 主于巷无咎。六三見輿曳其牛掣其人天且劓无  
 初有終。九四睽孤遇元夫交孚厲无咎。六五悔  
 亡厥宗噬膚往何咎。上九睽孤見豕負塗載鬼一  
 車先張之弧後說之弧匪寇婚媾往遇雨則吉。  
 蹇初六往蹇來譽。六二王臣蹇蹇匪躬之故。九



三往蹇來反。六四往蹇來連。九五大蹇朋來。

上六往蹇來碩。吉利見大人。

解初六无咎。九二田獲三狐。得黃矢。貞吉。六三

負且乘。致寇至。貞吝。九四解而拇。朋至斯孚。六

五君子維有解。吉有孚于小人。上六公用射隼于

高墉之上。獲之无不利。

損初九已事遄往。无咎酌損之。九二利貞。征凶。弗

損益之。六三三人行則損一人。一人行則得其友。

六四損其疾。使遄有喜。无咎。六五或益之十朋。

之龜弗克違。元吉。上六弗損益之。无咎。貞吉。利有

攸往。得臣无家。

益初九利用為大作。元吉。无咎。六二或益之十朋

之龜。弗克違。永貞吉。王用享于帝。吉。六三益之用

凶事。无咎。有孚中行。告公用圭。六四中行。告公從。

利用為依遷國。九五有孚惠心。勿問元吉。有孚惠

我德。上九莫益之。或擊之。立心勿恒。凶。

夬初九壯于前趾。往不勝為咎。九二惕號。莫夜有

戎勿恤。九三壯于頄。有凶。君子夬夬。獨行遇雨。若



濡有愠。无咎。九四臀无膚。其行次且。牽羊悔亡。聞言不信。九五莧陸夬夬。中行无咎。上六无號。終有凶。有凶。姤初六繫于金柅。貞吉。有攸往。見凶。羸豕孚蹢躅。九二包有魚。无咎。不利賓。九三臀无膚。其行次且。厲无大咎。九四包无魚。起凶。九五以杞包瓜。含章有隕自天。上九姤其角。吝。无咎。萃初六有孚不終。乃亂乃萃。若號。一握爲笑。勿恤。往无咎。六二引吉。无咎。孚乃利用禴。六三萃如嗟

如。无攸利。往无咎。小吝。九四大吉。无咎。九五萃有位。无咎。匪孚。元永貞。悔亡。上六齋咨涕洟。无咎。升初六允升。大吉。九二孚乃利用禴。无咎。九三升虛邑。六四王用亨于岐山。吉。无咎。六五貞吉。升階。上六冥升。利于不息之貞。困初六臀困于株木。入于幽谷。三歲不覿。九二困于酒食。朱紱方來。利用亨祀。征凶。无咎。六三困于石。據于蒺藜。入于其宮。不見其妻。凶。九四來徐徐。困于金車。吝。有終。九五劓刖。困于赤紱。乃徐有說。



利用祭祀。上六困于葛藟于臲卼。曰動悔。有悔。征吉。

井初六井泥不食。舊井无禽。九二井谷射鮒。甕敝。

漏。九三井渫不食。為我心恻。可用汲。王明並受其福。

六四井甃无咎。九五井冽寒泉食。上六井收勿幕。有孚元吉。

革初九鞶用黃牛之革。六二巳日乃革之。征吉无咎。

九三征凶貞厲。革言三就。有孚。九四悔亡。有孚改命吉。

九五大人虎變。未占有孚。上六君子

豹變。小人革面。征凶。居貞吉。

鼎初六鼎顛趾。利出否。得妾以其子。无咎。九二鼎

有實我仇。有疾不我能即。吉。九三鼎耳革。其行塞。

雉膏不食。方雨虧悔。終吉。九四鼎折足。覆公餗。其

形渥凶。六五鼎黃耳。金鉉利貞。上九鼎玉鉉。大

吉无不利。

震初九震來虩虩。後笑言啞啞。吉。六二震來厲。億

喪貝躋于九陵。勿逐七日得。六三震蘇蘇。震行无

眚。九四震遂泥。六五震往來厲。億无喪有事。

豐集合編



上六震索索。視矍矍。征凶。震不于其躬。于其鄰。无咎。婚媾有言。

艮初六艮其趾。无咎。利永貞。六二艮其腓。不拯其隨。其心不快。九三艮其限。列其夤。厲薰心。六四

艮其身。无咎。六五艮其輔。言有序。悔亡。上九敦艮。其吉。

漸初六鴻漸于干。小子厲。有言。无咎。六二鴻漸于磐。飲食衎衎。吉。九三鴻漸于陸。夫征不復。婦孕不

育。凶。利禦寇。六四鴻漸于木。或得其桷。无咎。九

五鴻漸于陵。婦三歲不孕。終莫之勝。吉。上九鴻漸于陸。其羽可用為儀。吉。

歸妹初九歸妹以娣。跛能履。征吉。九二眇能視。利幽人之貞。六三歸妹以須。反歸以娣。九四歸妹

愆期。遲歸有時。六五帝乙歸妹。其君之袂。不如其娣之袂。良。月幾望。吉。上六女承筐。無實。士刲羊无

血。无攸利。豐初九遇其配主。雖旬。无咎。往有尚。六二豐其蔀。日中見斗。往得疑疾。有孚發若。吉。九三豐其沛。日

豐樂合編 卷之二 五



中見沫折其右肱无咎。九四豐其蔀日中見斗遇  
 其夷主吉。六五來章有慶譽吉。上六豐其屋蔀  
 其家闕其戶闕其无人三歲不覿凶。  
 旅初六旅瑣瑣斯其所取災。九二旅即次懷其資。  
 得童僕貞。九三旅焚其次喪其童僕貞厲。九四  
 旅于處得其資斧我心不快。六五射雉一矢亡終  
 以譽命。上九鳥焚其巢旅人先笑後號咷喪牛于  
 易凶。  
 巽初六進退利武人之貞。九二巽在牀下用史巫

紛若吉无咎。九三頻巽吝。六四悔亡田獲三品。  
 九五貞吉悔亡无不利无初有終先庚三日後庚  
 三日吉。上九巽在牀下喪其資斧貞凶。  
 兌初九和兌吉。九二孚兌吉悔亡。六三來兌凶。  
 九四商兌未寧介疾有喜。九五孚于剝有厲。  
 上六引兌。  
 渙初六用拯馬壯吉。九二渙奔其机悔亡。六三  
 渙其躬无悔。六四渙其羣元吉渙有丘匪夷所思。  
 九五渙汗其大號渙王居无咎。上九渙其血去



逃。出。无。咎。

節。初。九。不。出。戶。庭。无。咎。九。二。不。出。門。庭。凶。六。三。

不。節。若。則。嗟。若。无。咎。六。四。安。節。亨。九。五。甘。節。吉。

往。有。尚。上。六。苦。節。貞。凶。悔。亡。

中。孚。初。九。虞。吉。有。他。不。燕。九。二。鳴。鶴。在。陰。其。子。和。

之。我。有。好。爵。吾。與。爾。靡。之。六。三。得。敵。或。鼓。或。罷。或。

泣。或。歌。六。四。月。幾。望。馬。匹。亡。无。咎。九。五。有。孚。攣。

如。无。咎。上。九。翰。音。登。于。天。貞。凶。

小。過。初。六。飛。鳥。以。凶。六。二。過。其。祖。遇。其。妣。不。及。其。

君。遇。其。臣。无。咎。九。三。弗。過。防。之。從。或。戕。之。凶。九。

四。无。咎。弗。過。遇。之。往。厲。必。戒。勿。用。永。貞。六。五。密。雲。

不。雨。自。我。西。郊。公。弋。取。彼。在。穴。上。六。弗。遇。過。之。飛。

鳥。離。之。凶。是。謂。災。眚。

既。濟。初。九。曳。其。輪。濡。其。尾。无。咎。六。二。婦。喪。其。茀。勿。

逐。七。日。得。九。三。高。宗。伐。鬼。方。三。年。克。之。小。人。勿。用。

六。四。繻。有。衣。袽。終。日。戒。九。五。東。鄰。殺。牛。不。如。西。

鄰。之。禴。祭。實。受。其。福。上。六。濡。其。首。厲。

未。濟。初。六。濡。其。尾。吝。九。二。曳。其。輪。貞。吉。六。三。未。



濟征凶。利涉大川。九四貞吉。悔亡。震用伐。鬼方。三  
 年有賞于大國。六五貞吉。无悔。君子之光。有孚吉。  
 上九有孚于飲酒。无咎。濡其首。有孚失是。

*濟征凶。利涉大川。九四貞吉。悔亡。震用伐。鬼方。三  
 年有賞于大國。六五貞吉。无悔。君子之光。有孚吉。  
 上九有孚于飲酒。无咎。濡其首。有孚失是。*

禮樂合編卷之三

錫山日齋黃 廣無蛙父纂述

未齋華琪芳芳侯父參閱



禮樂順治本紀

何天之衢。道大行也。大畜

庶績咸熙。分比三苗。舜典

政乃乂。黎民敏德。嘉言罔攸伏。野無遺賢。萬邦咸

寧。四夷來王。地平天成。六府三事允治。大禹謨

天其申命用休。簫韶九成。鳳凰來儀。百獸率舞。



庶尹允諧。益稷三則

三危既宅。三苗丕叙。崑崙析支。渠搜西戎。卽敘。禹貢

罔有天災。山川鬼神亦莫不寧。暨鳥獸魚鼈咸若。伊訓

萬世有辭。太甲

克綏先王之祿。永底烝民之生。咸有一德

惟臣欽若。惟民從乂。說命

垂拱而天下治。武成

會其有極。歸其有極。百穀用成。乂用明。俊民用章。

家用平康。洪範二則

四夷咸賓。無有遠邇。畢獻方物。生民保厥居。惟乃

世王。旅獒二則

丕冒海隅。出日罔不率俾。君奭

其在商邑。用協于厥邑。其在四方。用丕式見德。立政

時乃罔不變。允升于大猷。君陳

四方無虞。予一人以寧。四夷左衽。罔不咸賴。予小

子永膺多福。畢命二則

一人有慶。兆民賴之。呂刑

羣黎百姓。徧爲爾德。天保



受天之祐。四方來賀。於萬斯年。不遐有佐。下武

報以介福。萬壽無疆。甫田

不虧。不崩。不震。不騰。三壽作朋。如岡如陵。闕宮

我受命溥。將自天降康。列祖

相土烈烈。海外有截。長發

莫敢不來享。莫敢不來王。殷武

冬無愆陽。夏無伏陰。春無凄風。秋無苦雨。雷出不震。

無災霜雹厲疾。不降民不夭札。昭公四年

四體既正。膚革充盈。人之肥也。父子篤。兄弟睦。夫婦

和。家之肥也。大臣法。小臣廉。官職相序。君臣相正。國

之肥也。天子以德為車。以樂為御。諸侯以禮相與。大

夫以法相序。士以信相考。百姓以睦相守。天下之肥

也。是謂大順。天不愛其道。地不愛其寶。人不愛其

情。故天降膏露。地出醴泉。山出器車。河出馬圖。鳳凰

麒麟。皆在郊。橛龜龍在宮。沼其餘。鳥獸之卵胎。皆可

俯而闕也。禮運二則



禮樂之於人。猶水之於木。木無水則枯。人無禮樂則亂。故君子必先慎乎禮。禮者。天之經也。地之義也。民之行也。天地之經。莫不嚴整。而民之行。莫不謹敬。是以君子居則觀象於天。而動則觀法於地。近取諸身。遠取諸物。始於足。終於背。取法於象。而後行之。是以君子居則觀象於天。而動則觀法於地。近取諸身。遠取諸物。始於足。終於背。取法於象。而後行之。

禮樂威嚴本紀

天險不可升也。地險丘陵山川也。王公設險以守其國。坎

震驚百里。不喪七鬯。震

夙夜出納朕命。惟允。

庶頑讒說。若不在時。侯以明之。撻以記之。書用識哉。

欲並生哉。工以納言。時而颺之。格則承之。庸之。否則

威之。益 稷

大戰于甘。乃召六卿。甘 誓



政典曰先時者殺無赦。不及時者殺無赦。殲厥渠魁。脅從罔治。亂征

爾有善。朕弗敢蔽。罪當朕躬。弗敢自赦。湯誥

布昭聖武。制官刑。儆于有位。伊訓

以常舊服。正法度。曰無或敢伏小人之攸箴。王播

告之。修不匿厥指。王用丕欽。罔有逸言。民用丕變。

若網在綱。有條而不紊。各恭爾事。齊乃位。度乃口。

盤庚

官不及私昵。惟其能。爵罔及惡德。惟其賢。說命

樹德務滋。除惡務本。泰誓

王左杖黃鉞。右秉白旄。以麾。牧誓

大邦畏其力。小邦懷其德。武成

天閔毖我成功所。大誥

慎乃服命。率由典常。微子之命

惟御事。厥棊有恭。不敢自暇自逸。酒誥

有命曰。割殷告勅于帝。予一人惟聽用德。多士

誕將天威。咸劉厥敵。君奭

其克詰爾戎兵。以陟禹之迹。立政



四征弗庭。綏厥兆民。周官

張皇六師。康王之誥

申畫郊圻。慎固封守。畢命

德威惟畏。德明惟明。典獄非訖于威。惟訖于富敬。

忌罔有擇言在身。呂刑

我心匪石。不可轉也。我心匪席。不可卷也。威儀棣棣。

不可選也。栢舟

取彼譖人。投畀豺虎。豺虎不食。投畀有北。有北不受。

投畀有昊。巷伯

夙興夜寐。洒掃廷內。維民之章。修爾車馬。弓矢戎兵。

用戒戎作用。邊蠻方。抑

赫赫厥聲。濯濯厥靈。殷武

齊人來歸鄆。謹龜陰田。定公九年

叔孫州仇帥師墮郟。季孫斯仲孫何忌帥師墮費。

定公十年有二年

孔子為魯司寇。攝行相事。朝政七日。而誅亂政大夫。

少正卯。戮之。兩觀之下。尸於朝三日。家語







罔失法度。罔遊于逸。罔淫于樂。任賢勿貳。去邪勿疑。疑謀勿成。百志惟熙。罔違道以干百姓之譽。罔拂百姓以從己之欲。  
大禹 無稽之言勿聽。弗詢之謀勿庸。

無教逸欲有邦。  
臯陶

能自得師者王。謂人莫已若者亡。好問則裕。自用則

小。  
仲虺

無從匪彝。無卽怙淫。  
湯

無輕民事。惟難。無安厥位。惟危。君罔以辨言亂舊。

政。臣罔以寵利居成功。  
太甲

無自廣以狹人。  
咸有德

無傲從康。汝無侮老成人。無弱孤有幼。無起穢。

以自臭。無總于貨寶。  
盤庚

惟口起羞。惟甲冑起戎。惟衣裳在笥。惟干戈省厥躬。

有其善。喪厥善。矜其能。喪厥功。無啓寵納侮。無

耻。過作非。  
說命

無虐笑。獨而畏高明。無偏無陂。遵王之義。無有作

好。遵王之道。無有作惡。遵王之路。無偏無黨。王道蕩



蕩無黨無偏。王道平平。無反無側。王道正直。洪範

狎侮君子。罔以盡人心。狎侮小人。罔以盡其力。翫。

人喪德。翫物喪志。犬馬非其土性。不畜。珍禽奇獸。

不育於國。旅 燹

無作聰明。亂舊章。詳乃視聽。罔以側言。改厥度。蔡仲

無依勢作威。無倚法以削。君陳

非人其吉。惟貨其吉。罔命

五過之疵。惟官。惟反。惟內。惟貨。惟來。無或私家。于

獄之兩辭。呂刑

士也罔極。二三其德。氓

戎成不退。饑成不遂。浩浩

君子屢盟。亂是用長。君子信盜。亂是用暴。盜言孔甘。

亂是用餒。巧言

駢駢角弓。翩其反矣。兄弟婚姻。無胥遠矣。毋教猱。

升木如塗塗附。君子有徽猷。小人與屬。角弓

上帝板板。下民卒瘁。出話不然。為猶不遠。靡聖管管。

不實於亶。天之方虐。無然諛諛。老夫灌灌。小子躑。

躑匪我言耄。爾用憂譖。多將熇熇。不可救藥。天之



方。儕。無。為。夸。毗。威。儀。卒。迷。善。人。載。尸。民。之。方。殿。屎。則。  
 莫。我。敢。葵。喪。亂。蔑。資。曾。莫。惠。我。師。价。人。維。藩。太。師。  
 維。垣。大。邦。維。屏。大。宗。維。翰。懷。德。惟。寧。宗。子。維。城。無。俾。  
 城。壞。無。獨。斯。畏。板  
 靡。不。有。初。鮮。克。有。終。如。蜩。如。蟬。如。沸。如。羹。小。大。近。  
 喪。人。尚。乎。由。行。內。壘。于。中。國。覃。及。鬼。方。雖。無。老。成。  
 人。尚。有。典。刑。曾。是。莫。聽。大。命。以。傾。人。亦。有。言。顛。沛。  
 之。揭。枝。葉。未。有。害。本。實。先。撥。蕩  
 維。此。聖。人。瞻。言。百。里。維。彼。愚。人。覆。狂。以。喜。桑柔

池。之。竭。矣。不。云。自。頻。泉。之。竭。矣。不。云。自。中。昊天  
 毋。不。敬。傲。不。可。長。欲。不。可。縱。志。不。可。滿。樂。不。可。極。  
曲禮

小。人。溺。於。水。君。子。溺。於。口。大。人。溺。於。民。皆。在。其。所。褻。  
 也。毋。以。小。謀。敗。大。作。毋。以。嬖。御。人。疾。莊。后。毋。以。嬖。  
 御。士。疾。莊。士。緇衣  
 多。行。不。義。必。自。斃。鄭伯  
 驕。奢。淫。佚。所。自。邪。也。四。者。之。來。寵。祿。過。也。石碏  
 阻。兵。無。眾。安。忍。無。親。衆仲



凡物不足以講大事。其才不足以備器用。則君不舉焉。臧僖伯

國家之敗。由官邪也。官之失德。寵賂章也。臧哀伯

戎狄豺狼。不可厭也。諸夏親暱。不可棄也。宴安耽毒。

不可懷也。管仲

內寵並后。外寵二政。嬖子配嫡。大都耦國。亂之本也。

狐突

即聾從昧。與頑用器。姦之大者也。富辰

眾怒難犯。專欲難成。子產

毋蘊年。毋壅利。毋保姦。毋畱慝。鄭伯

宴語之不懷。寵光之不宣。令德之不知。同福之不受。

將何以在。穆叔

取國有五難。有寵而無人。一也。有人而無主。二也。有

主而無謀。三也。有謀而無民。四也。有民而無德。五也。

叔向

無始亂。無怙福。無恃寵。無違同。無傲禮。無驕能。無復

怒。無謀非德。無犯非義。公羊



然與焉非對焉非非其

然與焉非對焉非非其

然與焉非對焉非非其

然與焉非對焉非非其

然與焉非對焉非非其

然與焉非對焉非非其

然與焉非對焉非非其

然與焉非對焉非非其

禮樂應變本紀

內。文。明。而。外。柔。順。以。蒙。大。難。文。王。以。之。利。艱。貞。晦。其

明也。內難而能正其志。箕子以之。明夷

父頑母嚚象傲克諧以孝烝烝乂不格姦。舜典

娶于塗山辛壬癸甲啓呱呱而泣予弗子惟荒度土

功。益稷

肆台小子將天命明威不敢赦敢用玄牡敢昭告于

上天神后請罪有夏聿求元聖與之戮力以與爾有

衆請命。湯誥



伊尹曰。茲乃不義。習與性成。予弗狎于弗順。營于桐宮。密邇先王。其訓無俾。世迷王祖。桐宮居憂。克終允德。惟三祀。十有二月朔。伊尹以冕服奉嗣王歸于亳。

太甲

盤庚遷于殷。民不適有居。率籲衆感。出矢言。肆予冲人。非廢厥謀。弔由靈。各非敢違。卜用宏。茲賁。盤庚商今其有災。我興受其敗。商其淪喪。我罔爲臣僕。詔王子出。廸我舊云。刻子王子弗出。我乃顛隕。自靖人自獻于先王。我不顧行。慙。微子

底商之罪。告于皇天后土。所過名山大川。曰惟有道。曾孫周王發。將有大正于商。今商王受無道。暴殄天物。害虐烝民。爲天下逋逃主。萃淵藪。予小子旣獲仁人。敢祇承上帝。以遏亂略。率夏蠻貊。罔不率俾。武成史乃冊祝曰。惟爾元孫某。遘厲虐疾。若爾三王。是有丕子之責于天。以旦代某之身。古管叔及其群弟。乃流言於國。曰公將不利於孺子。周公乃告二公曰。我之弗辟。我無以告我先王。周公居東二年。則罪人斯得。于後公乃爲詩以貽王。名之



日鴟鴞。王亦未敢誚公。巴上金滕

殷小腆。誕敢紀其叙。天降威。知我國有疵。民不康。曰

予復。反鄙我周邦。今蠢今翼。日民獻有十夫。予豈以

于救寧。武。曷。功。我有大事。休。朕卜并吉。大誥

惟周公位冢宰。正百工。群叔流言。乃致辟。管叔于商。

囚。蔡叔于郭鄰。以車七乘。降。霍叔于庶人。三年不齒。

蔡仲克庸。祇德。周公以為卿士。蔡仲之命

爾曷不忱。裕之于爾。多方。爾曷不夾介。又我周王享

天之命。今爾尚宅爾宅。畋爾田。爾曷不惠。王熙天之

命。爾乃迪。屢不靜。爾心未愛。爾乃不大宅。天命。爾乃

屑播天命。爾乃自作不典。圖忱于正。我惟時其教告

之。我惟時其戰要囚之。多方

嗚呼。閔予小子。嗣造天丕愆。殄資澤于下民。侵戎我

國家純。即我御事。罔或者壽俊。在厥服。予則罔克。曰

惟祖惟父。其伊恤朕躬。嗚呼。有績予一人。永綏在位。

父義和。汝克昭乃顯祖。汝肇刑文武。用會紹乃辟。追

孝于前文人。汝多修扞我于艱。若汝予嘉。文侯之命

鴟鴞。鴟鴞。既取我子。無毀我室。恩斯勤斯。鬻子之閔



斯。鷓鴣

牧野洋洋。檀車煌煌。駟騶彭彭。維師尚父。時維鷹揚。

涼。彼武王。肆伐大商。會朝清明。大明

誕寘之隘巷。牛羊腓字之。誕寘之平林。會伐平林。誕

寘之寒冰。鳥覆翼之。鳥乃去矣。后稷呱矣。實覃實訐。

厥聲載路。生民

篤公劉。于貨斯原。既庶既繁。既順迺宣。而無永嘆。陟

則在嶽。復降在原。何以舟之。維玉及瑤。鞞琫容刀。

篤公劉。既溥既長。既景迺岡。相其陰陽。觀其流泉。其

軍三單。度其隰原。徹田爲糧。度其夕陽。幽居允荒。劉公

予其懲而毖後患。莫予荇蜂。自求辛螫。肇允彼桃蟲。

拚飛維鳥。未堪家多難。予又集于蓼。小毖

秋築王姬之館于外。王姬歸于齊。莊公元年

春齊侯宋人陳人蔡人邾人會于北杏。莊公十有三年

秋九月乙丑。晉趙盾弑其君夷臯。宣公二年

楚子伐陸渾之戎。宣公三年

夏五月戊辰。許世子止弑其君買。昭公十有九年

晉獻公將殺其世子申生。公子重耳謂之曰。子蓋言



子之志於公乎。世子曰不可。君安驪姬是我傷公之心也。曰然則蓋行乎。世子曰不可。君謂我欲弑君也。天下豈有無父之國哉。吾何行如之。使人辭於狐突曰。申生有罪。不念伯氏之言也。以至于死。申生不敢愛其死。雖然。吾君老矣。子少。國家多難。伯氏不出而圖吾君。伯氏苟出而圖吾君。申生受賜而死。再拜稽首乃卒。是以爲恭世子也。

子貢問於孔子曰。居父母之仇如之何。夫子曰。寢苦枕干。不仕弗與共天下也。遇諸市朝。不反兵而鬪。曰。請問居昆弟之仇如之何。曰。仕弗與共國。銜君命而使。雖遇之不鬪。曰。請問居從父昆弟之仇如之何。曰。不爲魁。主人能。則執兵而陪其後。

邾婁定公之時。有弑其父者。有司以告。公瞿然失席曰。是寡人之罪也。曰。寡人嘗學斷斯獄矣。臣弑君。凡在官者。殺無赦。子弑父。凡在官者。殺無赦。殺其人。壞其室。洿其宮。而豬焉。蓋君踰月而后舉爵。

陽門之介夫死。司城子罕入而哭之哀。晉人之覘宋者。反告於晉侯曰。陽門之介夫死。而子罕哭之哀。而



民說。殆不可伐也。孔子聞之曰。善哉。覘國乎。詩云。凡民有喪。扶服救之。雖微。晉而已。天下其孰能當之。上巳

檀弓

齊使萊人以兵鼓諗。劫定公。孔子歷階而進。以公退。曰。士以兵之。吾兩君爲好。裔夷之俘。敢以兵亂之。非齊君所以命諸侯也。裔不謀夏。夷不亂華。俘不干盟。兵不偪好。於神爲不祥。於德爲僇。義於人爲失禮。君必不然。齊侯心忤。麾而避之。有頃。齊奏宮中之樂。俳優侏儒戲於前。孔子趨進。歷階而上。不盡一等。曰。匹

夫。熒侮諸侯者。罪應誅。請右司馬速刑焉。於是斬侏儒。手足異處。齊侯懼。有慙色。將盟。齊人加载書曰。齊師出境。而不以兵車三百乘從我者。有如此盟。孔子使茲無還對曰。而不返。我汶陽之田。吾以供命者。亦如之。齊侯將設享禮。孔子謂梁丘據曰。齊魯之故。吾子何不聞焉。事旣成矣。而又享之。是勤執事。且犧象不出門。嘉樂不野合。享而旣具。是棄禮。若其不具。是用糝。糝用糝。糝君辱棄禮。名惡。子盍圖之。夫享所以昭德也。不昭。不如其已。乃不果享。齊侯歸。責其羣臣。



曰魯以君子道輔其君。而子獨以夷狄道教寡人。使  
得罪。於是乃歸所侵魯之四邑。及汶陽之田。家語

禮樂源流統紀

禮者經天緯地。本之則太一之初。原始要終。體之無  
人情之欲。精粹者雖復凝然不動。浮躁者實亦無所  
不為。燔黍則大享之。濫觴土鼓。乃雲門之拳石。冠帶  
飾於軒初。玉帛期於虞始。夏商損益可知。文武典章  
斯備。

昭王南征之後。彗倫漸微。彗星東出之餘。憲章遂泯。  
夫子定禮正樂。當時國異家殊。畫蛇之說。文擅於縱。  
橫。非馬之譚。辯離於堅白。迨大小二戴。共氏而分門。



暨王鄭兩家同經而異注。其見於世者。惟皇甫侃熊安而已。

熊安違背本經。多引外義。猶之楚而北行。馬雖疾而去。愈遠。皇甫侃雖章句詳正。時乖意義。此木落不歸。其本狐死。不首其丘者。然以熊比皇。皇勝矣。三孔穎達則

孔子適宋。與弟子習禮樹下。宋司馬桓魋使人拔其樹。去適於野。典畧

周官六篇。缺冬官。漢藝文志。序列於禮家。後人名曰周禮。文帝召老樂工。因得春官大司樂之章。景帝子

河間獻王好古學。購之女子李氏。得周官五篇。武帝遂藏之秘府。哀帝命劉歆校理秘書。始著錄畧。以考工記補之。歆門人杜子春。能通其讀。鄭眾賈逵受業子春。傳之馬融。融傳之鄭玄。玄所註行於世。朱子謂此經周公所作。但當時行之。恐未能盡。後聖雖復損益可也。

儀禮十七篇。漢興高堂生得之。以授瑕丘蕭奮。奮授東海孟卿。卿授后蒼。蒼授戴德。戴聖。禮經殘缺。惟此十七篇為完書。唐韓文公尚苦難讀。况其下者。王安



石行新經義。廢黜儀禮。朱子考定。欲成其書。而未逮。遂爲萬世缺典。

魯恭王壞孔子宅。得古文禮經于壁中。凡五十六篇。河間獻王得而上之。其十七篇與儀禮正同。其三十九篇藏秘府。謂之逸禮。劉歆欲列之學宮。諸博士不肯置對。竟不得立。

禮書二百餘篇。大戴刪合爲八十五。小戴又損益爲四十三。曲禮檀弓雜記分上下。馬氏又增以月令明堂位樂記。總四十九篇。精粗雜記。不能皆醇。然先王

遺制。先儒格言。徃徃賴之而存。多是記者博搜旁采。

勦取殘篇斷簡。會粹成篇。讀者多病其雜亂無章。唐

魏鄭公作類禮二十篇。而不可得見。朱子與呂東萊

商訂三禮。欲取戴記有關儀禮者附之經。其不繫儀

禮者仍別爲記。

吳徵四則

漢世諸儒傳授。皆以曲臺雜記。故二戴禮。在宣帝時立學宮。周禮儀禮。世雖傳其書。未有名家者。至鄭康成。然後二經之訓釋始具焉。至孔穎達賈公彥。而後三經之疏始備焉。鄭樵



西漢則有叔孫通。高堂生。徐生。賈誼。河間獻王。董仲舒。蕭奮。孟卿。后蒼。聞人通。夏侯敬。劉向。戴德。戴聖。慶普。劉歆。

東漢則有曹元。曹褒。鄭興。鄭眾。賈逵。許慎。杜子春。馬融。鄭玄。衛宏。何休。盧植。蔡邕。

魏則有王粲。衛覬。高堂隆。蔣濟。王肅。秦靜。劉表。劉紹。盧毓。陳羣。魚豢。王沈。

蜀則有譙周。蔣琬。孟光。許慈。

吳則有宋敏。丁孚。

晉則有鄭冲。荀顛。陳壽。孫盛。羊祜。杜元凱。衛瓘。庾峻。袁淮。賀循。任愷。陳銓。孔備。劉逵。摯虞。束皙。傅咸。鄒湛。蔡謨。孔衍。庾亮。范宣。范汪。徐邈。范甯。刁協。荀崧。卞壺。葛洪。王彪之。司馬彪。于寶。徐廣。謝沈。王裒。何琦。虞喜。應真。

宋則有徐羨之。傅亮。臧燾。徐廣。裴松之。何承之。顏延之。雷次宗。徐爰。庾蔚之。崔覬。孔智。

齊則有王儉。何戢。田僧紹。劉獻。王遂。

梁則有司馬襲。陸璉。沈約。周捨。明山賓。裴子野。徐勉。



顧協。朱異。嚴植之。賀瑒。崔靈恩。皇侃。何佟之。陶弘景。  
司馬憲。丘季彬。  
陳則謝嶠。孔奐。

後魏則有高允。高閭。王肅。

北齊則有熊安生。陽休之。元循伯。

後周則有蘓綽。盧辯。宇文弼。

隋則有牛弘。辛彥之。許善心。

唐則有孔穎達。褚亮。虞世南。陸德明。令狐德棻。朱子

奢。顏師古。房玄齡。魏徵。許敬宗。楊師道。賈公彥。杜正

倫。李義府。李友益。劉祥道。郝處俊。許國師。韋琨。范履

冰。裴守真。陸遵楷。史玄道。孔志約。蕭楚材。孫自覺。王

方慶。賀紀。賈大隱。韋萬石。賀斲。韋叔夏。祝欽明。許子

儒。沈伯儀。元萬頃。劉承慶。郭山。惲辟。閻仁諳。唐紹。張

見。王崑。張說。徐堅。李銳。施敬本。王仲丘。張統師。權無

二。孔玄義。賈魯。李行偉。韓抱素。盧履冰。田再思。馮諒。

陳貞節。賀知章。元行冲。韋縉。韓愈。

宋則有聶崇禮。劉温叟。李昉。竇儀。竇儼。呂蒙正。張齊

賢。呂端。田錫。李至。畢士安。蘓易簡。种放。張洎。王禹偁。



禮樂箴銘本紀  
李沆。楊億。孫奭。林逋。李迪。呂夷簡。范仲淹。宋祁。韓琦。  
歐陽修。蔡襄。王曾。孫復。石介。周敦頤。程顥。程頤。邵雍。  
張載。胡瑗。司馬光。蘓洵。蘓軾。蘓轍。黃庭堅。呂希哲。文  
彥博。唐介。房庶。趙抃。王德用。包拯。范鎮。呂誨。王安石。  
范純仁。劉安世。范祖禹。游酢。謝良佐。呂大忠。呂大鈞。  
楊時。鄒浩。尹焞。胡安國。胡寅。胡宏。羅從彥。李侗。朱熹。  
張栻。陸九淵。呂祖謙。陳祥道。真德秀。鄭樵。馬端臨。蔡  
沈。陳淳。蔡元定。陳暘。張九成。魏華父。吳澄。虞集。謝枋  
得。文天祥。許衡。

禮樂箴銘本紀

丹書曰。敬勝怠者吉。怠勝敬者滅。義勝欲者從。欲勝  
義者凶。且臣聞之。以仁得之。以仁守之。其量百世。以  
不仁得之。以仁守之。其量十世。以不仁得之。以不仁  
守之。必及其世。

武王爲席前左端之銘曰。安樂必敬。前右端之銘曰。  
無行可悔。後左端之銘曰。一反一側。亦不可以忘。後  
右端之銘曰。殷監不遠。視邇所代。  
杙之銘曰。皇皇惟敬。口生垢。口戕口。



鑒之銘曰。見爾前。慮爾後。盥盤之銘曰。與其溺於人也。寧溺於淵。溺於淵。猶可。游也。溺於人。不可。抹也。

楹之銘曰。毋曰胡殘。其禍將然。毋曰胡害。其禍將大。毋曰胡傷。其禍將長。

杖之銘曰。惡乎危於忿。惡乎失道於嗜欲。惡乎相忘於富貴。

帶之銘曰。火。滅。修。容。慎。戒。必。共。共。則。壽。屨履之銘曰。慎之勞。勞則富。

觴豆之銘曰。食自杖。食自杖。戒之驕。驕則逸。

戶之銘曰。夫名難得而易失。無懃弗志。而曰我知之乎。無懃弗及。而曰我杖之乎。擾阻以泥之。若風將至。

必先搖搖。雖有聖人。不能為謀。

牖之銘曰。維天之時。以地之財。敬祀皇天。敬以先時。劍之銘曰。帶之以為服。動必行德。行德則興。倍德則崩。

弓之銘曰。屈伸之義。廢興之行。無忘自過。

矛之銘曰。造矛造矛。少間不忍。終身之羞。予一人所



聞以戒後世子孫。已上武王踐作

孔子入太祖后稷之廟。廟堂右階前。有金人焉。三緘其口。而銘其背曰。古之慎言人也。戒之哉。無多言。多言多敗。無多事。多事多患。安樂必戒。無所行悔。勿謂何傷。其禍將長。勿謂何害。其禍將大。勿謂不聞。神將伺人。焜焜不滅。炎炎若何。涓涓不壅。終為江河。綿綿不絕。或成網羅。毫末不札。將尋斧柯。誠能慎之。福之根也。口是何傷。禍之門也。強梁者不得其死。好勝者必遇其敵。盜憎主人。民怨其上。君子知天下之不可

上也。故下之。知衆人之不可先也。故後之。溫恭慎德。使人慕之。執雌持下。人莫踰之。人皆趨彼。我獨守此。人皆或之。我獨不徙。內藏我智。不示人技。我雖尊高。人弗我害。誰能於此。江海雖左。長於百川。以其卑也。天道無親。而能下人。戒之哉。孔子顧謂弟子曰。小子識之。觀周

孔子觀於魯桓公廟。有欹噐焉。夫子問守廟者曰。此謂何噐。對曰。此蓋為宥坐之噐。孔子曰。吾聞宥坐之噐。虛則欹。中則正。滿則覆。明君以為至誠。故常置之。



於坐側。顧謂弟子曰：試注水焉。乃注之。水中則正。滿則覆。夫子喟然歎曰：嗚呼！夫物惡有滿而不覆哉。三

禮樂科條本紀一

大宰掌六典以佐王治邦國。一曰治典以經邦國。以統百官以均萬民。二曰教典以安邦國。以教官府以擾萬民。三曰禮典以和邦國。以治官府以諧萬民。四曰政典以平邦國。以正百官以紀萬民。五曰刑典以詰邦國。以刑百官以糾萬民。六曰事典以富邦國。以任百官以生萬民。

以八法治官府。一曰官屬以舉邦治。二曰官職以辨邦治。三曰官聯以會邦治。四曰官常以聽邦治。五曰



官成以經邦治六曰官法以正邦治七曰官刑以糾  
 邦治八曰官計以弊邦治九曰官法以舉邦治  
 以八則治都鄙一曰祭祀以馭其神二曰法則以馭  
 其官三曰廢置以馭其吏四曰祿位以馭其士五曰  
 賦貢以馭其用六曰禮俗以馭其民七曰刑賞以馭  
 其威八曰田役以馭其衆九曰爵祿以馭其貴  
 以八柄詔王馭羣臣一曰爵以馭其貴二曰祿以馭  
 其富三曰廢以馭其罪四曰置以馭其行五曰誅以  
 馭其過六曰生以馭其福七曰予以馭其幸八曰奪

以馭其貧

以八統詔王馭萬民一曰親親二曰敬故三曰進賢  
 四曰使能五曰安功六曰等貴七曰達吏八曰禮賓  
 以九職任萬民一曰三農生九穀二曰園囿毓草木  
 三曰虞衡作三澤之材四曰藪牧養蕃鳥獸五曰百  
 工飭化八材六曰商賈阜通貨賄七曰嬪婦化治絲  
 枲八曰臣妾聚斂疏材九曰閒民無常職轉移執事  
 以九賦斂財賄一曰邦中之賦二曰四郊之賦三曰  
 邦甸之賦四曰家削之賦五曰邦縣之賦六曰邦都



之賦。七曰關市之賦。八曰山澤之賦。九曰幣餘之賦。以九式均節財用。一曰祭祀之式。二曰賓客之式。三曰喪荒之式。四曰羞服之式。五曰工事之式。六曰幣帛之式。七曰芻秣之式。八曰匪頒之式。九曰好用之式。以九貢致邦國之用。一曰祀貢。二曰嬪貢。三曰噐貢。四曰幣貢。五曰材貢。六曰貨貢。七曰服貢。八曰旂貢。九曰物貢。以九兩繫邦國之民。一曰牧。以地得民。二曰長。以貴

得民。三曰師。以賢得民。四曰儒。以道得民。五曰宗。以族得民。六曰主。以利得民。七曰吏。以治得民。八曰友。以任得民。九曰藪。以富得民。小宰以官府之六叙正羣吏。一曰以叙正其位。二曰以叙進其治。三曰以叙作其事。四曰以叙制其食。五曰以叙受其會。六曰以叙聽其情。以六屬舉邦治。一曰天官掌邦治。二曰地官掌邦教。三曰春官掌邦禮。四曰夏官掌邦政。五曰秋官掌邦刑。六曰冬官掌邦事。其屬各六十大事則從其長。小



事則專達。

以六職辨邦治。一曰治職以平邦國。以均萬民。以節財用。二曰教職以安邦國。以寧萬民。以懷賓客。三曰禮職以和邦國。以諧萬民。以事鬼神。四曰政職以服邦國。以正萬民。以聚百物。五曰刑職以詰邦國。以糾萬民。以除盜賊。六曰事職以富邦國。以養萬民。以生百物。

以六聯合邦治。一曰祭祀之聯事。二曰賓客之聯事。三曰喪荒之聯事。四曰軍旅之聯事。五曰田役之聯事。

事六曰歛弛之聯事。

以八成經邦治。一曰聽政役以比居。二曰聽師田以簡稽。三曰聽閭里以版圖。四曰聽稱責以傳別。五曰聽祿位以禮命。六曰聽取予以書契。七曰聽買賣以質劑。八曰聽出入以要會。

以六計弊羣吏之治。一曰廉善。二曰廉能。三曰廉敬。四曰廉正。五曰廉澁。六曰廉辨。

宰夫辨其八職。一曰正掌官灋以治要。二曰師掌官成以治凡。三曰司掌官灋以治目。四曰旅掌官常以



治數五日府掌書契以治藏六日史掌官書以贊治  
七日胥掌官敘以治敘八曰徒掌官令以徵令

已上  
周禮

禮樂科條本紀二

大司徒以土會之。灋辨五地之物生。一曰山林。其動物宜毛物。其植物宜阜物。其民毛而方。二曰川澤。其動物宜鱗物。其植物宜膏物。其民黑而津。三曰丘陵。其動物宜羽物。其植物宜覈物。其民專而長。四曰墳衍。其動物宜介物。其植物宜莢物。其民皙而瘠。五曰原隰。其動物宜羸物。其植物宜叢物。其民豐肉而痺。施十有二教。一曰以祀禮教敬。則民不苟。二曰以陽禮教讓。則民不爭。三曰以陰禮教親。則民不怨。四曰



以樂禮教和。則民不乖。五曰以儀辨等。則民不越。六曰以俗教安。則民不偷。七曰以刑教中。則民不越。八曰以誓教恤。則民不怠。九曰以度教節。則民知足。十曰以世事教能。則民不失職。十有一曰以賢制爵。則民慎德。十有二曰以庸制祿。則民興功。以荒政十有二。聚萬民。一曰散利。二曰薄征。三曰緩刑。四曰弛力。五曰舍禁。六曰去幾。七曰省禮。八曰殺哀。九曰蕃樂。十曰多昏。十有一曰索鬼神。十有二曰除盜賊。

以保息。六。養萬民。一曰慈幼。二曰養老。三曰振窮。四曰恤貧。五曰寬疾。六曰安富。

以本俗。六。安萬民。一曰媿宮室。二曰族墳墓。三曰聯兄弟。四曰聯師儒。五曰聯朋友。六曰同衣服。

頒職事。十有二。以登萬民。一曰稼穡。二曰樹藝。三曰作材。四曰阜蕃。五曰飭材。六曰通材。七曰化材。八曰斂材。九曰生材。十曰學藝。十有一曰世事。十有二曰服事。

以鄉三物。教萬民而賓興之。一曰六德。知仁聖義中。



和。二曰六行。孝友睦婣任恤。三曰六藝。禮樂射御書數。以鄉八刑。糾萬民。一曰不孝之刑。二曰不睦之刑。三曰不嫺之刑。四曰不弟之刑。五曰不任之刑。六曰不恤之刑。七曰造言之刑。八曰亂民之刑。以五物詢衆庶。一曰和。二曰容。三曰主皮。四曰和容。五曰興舞。師氏以三德教國子。一曰至德。以爲道本。二曰敏德。以爲行本。三曰孝德。以知逆惡。

教三。行一曰孝。行以親父母。二曰友。行以尊賢良。三曰順。行以事師長。保氏教六藝。一曰五禮。二曰六樂。三曰五射。四曰五馭。五曰六書。六曰九數。教六儀。一曰祭祀之容。二曰賓客之容。三曰朝廷之容。四曰喪紀之容。五曰軍旅之容。六曰車馬之容。大司馬掌九灋。以佐王平邦國。制畿封國。以正邦國。設儀辨位。以等邦國。進賢興功。以作邦國。建牧立監。以維邦國。制軍詰禁。以糾邦國。施貢分職。以任邦國。



簡稽鄉民。以用邦國。均守平則。以安邦國。比小事大。以和邦國。以九伐之。灋正邦國。馮弱犯寡。則膏之。賊賢害民。則伐之。暴外陵內。則壇之。野荒民散。則削之。負固不服。則侵之。賊殺其親。則正之。放弑其君。則殘之。犯令陵政。則柱之。外內亂。鳥獸行。則滅之。以九畿之籍。施政職。方千里曰國畿。其外各方五百里。曰侯畿。曰甸畿。曰男畿。曰采畿。曰衛畿。曰蠻畿。曰夷畿。曰鎮畿。曰蕃畿。九服亦如之。

大司寇掌三典。以佐王刑邦國。一曰刑新國。用輕典。二曰刑平國。用中典。三曰刑亂國。用重典。以五刑糾萬民。一曰野刑。上功。糾力。二曰軍刑。上命。糾守。三曰鄉刑。上德。糾孝。四曰官刑。上能。糾職。五曰國刑。上愿。糾暴。小司寇以五聲聽獄訟。一曰辭聽。二曰色聽。三曰氣聽。四曰耳聽。五曰目聽。以八辟麗邦灋。一曰議親之辟。二曰議故之辟。三曰議賢之辟。四曰議能之辟。五曰議功之辟。六曰議貴。



之辟。七曰議勤之辟。八曰議賓之辟。以三刺斷民獄。一曰訊羣臣。二曰訊羣吏。三曰訊萬民。士師掌五禁之灋。一曰宮禁。二曰官禁。三曰國禁。四曰野禁。五曰軍禁。皆以木鐸徇之于朝。書而懸于門閭。以五戒先後刑罰。一曰誓。用之于軍旅。二曰誥。用之于會同。三曰禁。用諸田役。四曰糾。用諸國中。五曰憲。用諸都鄙。

掌士之八成。一曰邦汙。二曰邦賊。三曰邦謀。四曰犯邦令。五曰擣邦令。六曰為邦盜。七曰為邦朋。八曰為邦誣。司刺掌三宥三赦之灋。壹宥曰不識。再宥曰過失。三宥曰遺忘。壹赦曰幼弱。再赦曰老旄。三赦曰蠢愚。上巳周禮



禮樂名分本紀

新築人仲叔于奚救孫桓子。桓子是以免。既衛人賞之以邑。辭請曲縣繁纓以朝。許之。仲尼聞之曰：惜也。不如多與之邑。惟器與名不可以假人。君之所司也。名以出信，信以守器，器以藏禮，禮以行義，義以生利，利以平民，政之大節也。若以假人，與人政也。政亡則國家從之，弗可止也已。

成公二年

孔子侍坐于季孫。季孫之宰通曰：君使人假馬，其與之乎？孔子曰：吾聞取于臣謂之取，不曰假。季孫悟告。

禮樂名分本紀  
 新築人仲叔于奚救孫桓子。桓子是以免。既衛人賞之以邑。辭請曲縣繁纓以朝。許之。仲尼聞之曰：惜也。不如多與之邑。惟器與名不可以假人。君之所司也。名以出信，信以守器，器以藏禮，禮以行義，義以生利，利以平民，政之大節也。若以假人，與人政也。政亡則國家從之，弗可止也已。



宰○白○自○今○以○來○君○有○取○謂○之○取○無○曰○假○故○孔○子○正○假○  
馬○之○名○而○君○臣○之○義○定○矣○定公三年

子○貢○問○孔○子○曰○晉○文○公○實○召○天○子○而○使○諸○侯○朝○焉○夫○  
子○作○春○秋○云○天○王○狩○於○河○陽○何○也○孔○子○曰○以○臣○召○君○  
不○可○以○訓○亦○書○其○率○諸○侯○事○天○子○而○已○哀公四年

衛○君○入○朝○於○周○周○行○人○問○其○號○對○曰○諸○侯○辟○疆○周○行○  
人○却○之○曰○諸○侯○不○得○與○天○子○同○號○衛○君○乃○自○更○曰○諸○  
侯○燬○而○後○內○之○仲○尼○聞○之○曰○遠○哉○禁○偏○虛○名○不○以○借○  
人○况○實○事○乎○哀公五年

趙○簡○子○問○史○墨○曰○季○氏○出○其○君○而○民○服○焉○君○死○於○乾○  
侯○莫○之○罪○也○曰○天○有○三○辰○地○有○五○行○體○有○左○右○各○有○  
妃○耦○王○有○公○諸○侯○有○卿○皆○有○貳○也○天○生○季○氏○以○貳○魯○  
公○魯○公○世○從○其○失○季○氏○世○修○其○勤○民○忘○君○矣○社○稷○無○  
常○奉○君○臣○無○常○位○故○詩○曰○高○岸○為○谷○深○谷○為○陵○三○后○  
之○姓○於○今○為○庶○政○在○季○氏○於○此○君○也○四○公○矣○民○不○知○  
君○何○以○得○國○是○以○為○君○慎○器○與○名○不○可○以○假○人○昭公三十一年

漢○文○帝○與○慎○夫○人○同○席○坐○袁○盎○引○郤○慎○夫○人○坐○夫○人○



怒不肯坐。上亦怒。起入禁中。益因前說曰。臣聞尊卑有序。則上下和。今陛下既已立后。慎夫人乃妾。妾主豈可與同坐哉。且陛下幸之。即厚賜之。陛下所以為慎夫人。適所以禍之。陛下獨不見人。彘乎。於是上乃說。召語慎夫人。夫人賜益金五十斤。

漢書附

禮樂凝命本紀

皇天眷命。奄有四海。為天下君。

大禹謨

以昭受上帝。天其申命用休。

益稷

天監厥德。用集大命。

太甲

天難諶命。靡常常厥德。保厥位。厥德靡常。九有以亡。

咸有一德

天明畏。弼我不丕基。

大誥

天畏棗忱。

康誥

惟曰欲至于萬年。惟王子子孫孫。永保民。

梓材



惟王受命無疆惟休亦無疆惟恤相古先民有夏  
 天迪從子保面稽天若今時既墜厥命今相有殷天  
 迪格保面稽天若今時既墜厥命我不敢知曰有  
 夏服天命惟有歷年我不敢知曰不其延惟不敬厥  
 德乃蚤墜厥命我不敢知曰有殷受天命惟有歷年  
 我不敢知曰不其延惟不敬厥德乃蚤墜厥命王  
 其德之用祈天永命上下勤恤其曰我受天命不  
 若有夏歷年式勿替有殷歷年欲王以小民受天永  
 命已上  
召誥

今汝永念則有固命君真

命之不易無遏爾躬宣昭義問有虞殷自天文王

明明在下赫赫在上天難忱斯不易維王天位殷適

使不挾四方大明

天作高山大王荒之彼作矣文王康之彼徂矣岐有

夷之行子孫保之天作

昊天有成命二后受之成王不敢康昊天

敬之敬之天維顯思命不易哉無曰高高在上陟降

厥士日監在茲敬之



禮樂凝命統紀

聖人受命河洛。曰以文命者七。九而衰。以武興者六。八而謀。及武王定鼎於郊。鄔卜世三十。卜年八百。天所命也。

劉峻辨命論

自古當世之君天下者。其命有四焉。一曰正命。二曰受命。三曰改命。四曰攝命。正命者因而因者也。受命者因而革者也。改命者革而因者也。攝命者革而革者也。因而因者長而長者也。因而革者長而消者也。革而因者消而長者也。革而革者消而消者也。革



而革者。一世之事業也。革而因者。十世之事業也。因  
 而革者。百世之事業也。因而因者。千世之事業也。可  
 以因則因。可以革則革。者。萬世之事業也。一世之  
 事業。者。五伯之道也。十世之事業者。三王之道也。百  
 世之事業者。五帝之道也。千世之事業者。三皇之道  
 也。萬世之事業者。非仲尼之道。而何。是知皇帝王伯  
 者。命世之謂也。仲尼者。不世之謂也。已上皇  
極經世  
 古之有天下者。栢王。栗陸。以前為。而不有。應而不求。  
 執大象也。鴻黃及世。以一民也。堯舜內禪。體文德也。

漢魏外禪。順大名也。湯武革命。應天人也。高光爭伐。  
 定功業也。各因其運。而天下隨時。隨時之義大矣哉。  
 晉書



魯用天子禮樂本紀

成王以周公爲有勲勞於天下。是以封周公於曲阜。地方七百里。革車千乘。命魯公世世祀周公以天子之禮樂。

是以魯君孟春乘大路。載弧韜。旂十有二旒。日月之章。祀帝于郊。配以后稷。天子之禮也。

季夏六月。以禘禮祀周公於太廟。牲用白牡。尊用犧象。山罍。鬱尊用黃目。灌用玉瓚。大圭薦用玉豆。雕纂爵用玉琖。仍雕加以璧散。璧角。俎用梡。巖。

禮樂合編

卷之三

四十一



升歌清廟。下管象。朱干玉戚。冕而舞大武。皮弁素積。禘而舞大夏。

昧。東夷之樂也。任。南蠻之樂也。納蠻夷之樂於太廟。言廣魯於天下也。

君卷冕立於阼。夫人副禕立於房中。君肉袒迎牲於門。夫人薦豆籩。卿大夫贊君。命婦贊夫人。各揚其職。是故夏禘。秋嘗。冬烝。春社。秋省。而遂大蜡。天子之祭也。

太廟。天子明堂。庫門。天子臯門。雉門。天子應門。振木

鐸於朝。天子之政也。

山節藻梲。複廟重簷。刮楹達鄉。反玷出尊。崇玷康圭。疏屏。天子之廟飾也。

鸞車。有虞氏之路也。鉤車。夏后氏之路也。大路。殷路也。乘路。周路也。

有虞氏之旂。夏后氏之綏。殷之大。白。周之大。赤。

夏后氏駱馬。黑鬣。殷人白馬。黑首。周人黃馬。蕃鬣。

夏后氏牲尚黑。殷白牡。周騂剛。

泰有虞氏之尊也。山。夏后氏之尊也。著。殷尊也。犧。



象周尊也。

爵夏后氏以琖。殷以斚。周以爵。

灌尊夏后氏以鷄夷。殷以斚。周以黃目。

其勺夏后氏以龍勺。殷以疏勺。周以蒲勺。

土鼓。蕢桴。鞀。籥。伊耆氏之樂也。拊。搏。玉磬。拊。擊。大琴。

大瑟。中琴。小瑟。四代之樂器也。

魯公之廟。文世室也。武公之廟。武世室也。

米廩。有虞氏之庠也。序。夏后氏之序也。瞽宗。殷學也。

類宮。周學也。

崇鼎。貫鼎。大璜。封父龜。天子之器也。越。棘。大弓。天子之戎器也。

夏后氏之鼓。足。殷楹鼓。周縣鼓。垂之和。鍾。叔之離。磬。

女媧之笙。簧。

夏后氏之龍篥。簨。殷之崇牙。周之璧。琚。

有虞氏之兩敦。夏后氏之四璉。殷之六瑚。周之八簋。

俎。有虞氏以梲。夏后氏以巖。殷以棋。周以房俎。

夏后氏以楬。豆。殷玉豆。周獻豆。

有虞氏服鞞。夏后氏山。殷火。周龍章。



有虞祭首。夏后氏祭心。殷祭肝。周祭肺。

夏后氏尚明水。殷尚醴。周尚酒。

有虞氏官五十。夏后氏官百。殷二百。周三百。

有虞氏之綏。夏后氏之綢練。

凡四代之服噐官。魯兼用之。是故魯王禮也。天下傳

之久矣。君臣未嘗相弑也。禮樂刑法政俗未嘗相變

也。天下以爲有道之國。是故天下資禮樂焉。

已上明堂位

### 魯用天子禮樂議本紀

孔子曰。嗚呼哀哉。我觀周道。幽厲傷之。吾舍魯何適矣。夫魯之郊。及禘。皆非禮也。周公其已衰矣。杞之郊也。禹宋之郊也。契是天子之事。守也。故天子祭天地。諸侯祭社稷。禮運

周公有勲勞於天下。公既沒。成康追念周公。而欲尊魯。故賜以重祭。外祭則郊社是也。內祭則大嘗禘是也。夫朱干玉戚以舞大武。八佾以舞大夏。天子之樂也。康周公故以賜魯。子孫至今不廢。所以明周公之



德而又以重其國也。祭統

魯用天子禮樂議統紀

周至成王而後制禮作樂。教典始大明。豈有周公方  
薨。成王遽以天子禮樂賜魯。始壞周公典禮乎。如是  
則周公諡當何稱。葬用何禮。必王而後可也。廟諡曰  
公。葬禮亦公。天子禮樂何用哉。成王伯禽必不爲此  
悖禮亂常之事。以啓後世僭擬禍亂之門。

或曰此魯惠公時。周平王命史角賜以郊廟禮也。意  
謂治朝賢主。則典禮不紊。衰王孱君。則賞賜濫行。獨  
不思周輒雖東。魯在當時。僅爲次國。大國有齊楚晉



宋敵國有鄭衛陳蔡使平王欲以私意賜魯彼八國肯以上世爲無功德乎疑平王之賜非也然則孰賜之曰未嘗賜也其何以然曰魯自爲也曰何以知之據經而知之也夫子曰天下無道禮樂征伐自諸侯出此聖人作春秋之本旨也隱公六年書曰初獻六羽春秋五十三年始書禘八十六年始書郊以見僭禮樂之有漸也其後乃乘大路載弧韜設兩觀舞八佾並用天子禮樂亦勢所必至故曰魯自爲也

豈惟魯哉晉作六軍僭天子之軍也晉人曰寡君之未禘祀僭天子之禮也甚者吳楚稱王僭天子之號也先儒直以魯之所行爲他國之所無故曰成王賜又曰平王賜則晉之六軍禘祀亦賜耶吳楚僭號亦賜耶

說者往往據詩魯頌曰龍旂承祀六轡耳耳春秋匪懈享祀不忒皇皇后帝聖祖后稷以魯爲合用盛禮不知魯人安於僭禮猥稱其君功德惟恐不至若果魯之常禮何獨頌僖公乎春秋書公子遂如楚乞師



則僖公畏楚甚矣。頌乃謂荆楚是懲。春秋書公會齊侯于淮。則僖公役楚久矣。頌乃謂淮夷卒獲。可信乎。聖人刪詩不削。使後世自見其非耳。卽此可決合用盛禮之疑。考索五則魯之用天子禮樂也。其末世乎。明堂位。周衰陋儒爲之也。昔魯惠公請郊廟之禮於周天子。使史角往報之。平王也。夫成王賜矣。伯禽受矣。惠何以重請之。曰往報未成許也。周至於平衰矣。至襄抑又衰矣。襄不許晉文之請隧也。而謂成王賜魯郊乎。然則魯之僭

何始。曰著在春秋。魯頌春秋桓五年書大雩。雩始桓也。閔二年書禘于莊。禘始閔也。僖三十年書四卜郊。郊始僖也。魯自伯禽而下十八世至僖公始郊。詩人頌之曰。周公之孫。莊公之子。又曰。皇皇后帝。皇祖皇稷。則不出於成王之賜益明矣。然魯頌曰。白牡騂剛。白殷牲也。魯曷不用赤。噫。我知之。魯緣宋而僭者也。其以宋解乎哉。楊慎夫禮成王實假之。于何知之。曰以請隧知之。隧。隱禮也。晉文雄霸也。復王崇勲也。而王孱王也。文請之王



弗予之。而文弗復也。夫郊禘大典也。魯弱國也。魯弗請天子。弗問吾故。曰賜也。然則曷爲用白牡。曰成王志也。尊周公以報功德也。用白牡。班魯宋也。班宋示有等也。程叔子曰。成王之賜。伯禽之受。非也。予則曰。叔子之爲此語也。語於秦之君臣也。非三代之君臣也。堯得舜而命之陟位。不聞以疑堯議也。舜得禹而命之終陟。不聞以疑舜議也。周公尊則師親則叔父。而功與舜禹並。不禪而帝。則祀而王。存既可負。展以行天子之事。沒亦可崇。以天子之禮樂。而曰非也。

此語於秦之君臣也。雖然。必舜禹生而可以行天子之事。必周公歿而可以用天子之禮樂。必孔子而萬世可以天子之禮樂報。外此則又非也。

王世貞  
二則



禮樂詔統紀

古者祖有功而宗有德。制禮樂各有由。歌者所以發德也。舞者所以明功也。高廟酌奏武德。文始五行之舞。孝惠廟酌奏文始五行之舞。孝文皇帝臨天下。通關梁。除誹謗。去肉刑。賞賜長老。收恤孤獨。減嗜欲。不受獻。罪人不孥。不誅亡罪。除官刑。出美人。此皆上世所不及。而孝文皇帝親行之。德厚侔天地。利澤施四海。廟爲昭德之舞。以明休德。其與丞相列侯中二千石禮官具禮儀奏。

漢景帝



朕以眇身奉承祖宗。夙夜惟念。孝武皇帝躬履仁義。選名將討不服。匈奴遠遁。平氏羗。昆明南越。百蠻鄉風。欵塞來享。建太學。修郊祀。定正朔。協音律。封泰山。塞宣房。符瑞應。寶鼎出。白麟獲。功德茂盛。不能盡宣。而廟樂未稱。具議奏。

漢宣帝

禮之為用。時義大矣哉。黃琮蒼璧。降天地之神。粢盛犧牲。致宗廟之敬。正父子君臣之序。明婚姻喪紀之節。故道德仁義。非禮不成。安上化民。莫善於禮。

隋文帝

先王制禮。辨方正位。體國經野。象天地以制法。通神

明以施化。樂由內作。禮自外成。可以移風易俗。揖讓而天下化者。其惟禮樂乎。固以同節同和。無聲無體。寧飾玉帛之容。豈崇鍾鼓之奏。

唐太宗



聖。王。用。之。於。禮。樂。之。變。以。大。宗。  
 由。天。下。之。法。其。非。樂。乎。因。以。何。前。同。味。無。善。無。惡。  
 則。以。鼓。之。變。由。內。於。禮。自。水。以。絲。風。及。於。舞。





